

# দেবী মাহাত্ম্য।

( শুভ্র নিশুভ্র বধ নাটক )

শ্রীমুক্ত নারায়ণ শীলেশচন্দ্র সেন বাহাদুর বি, এ  
লিখিত ভূমিকা সম্বলিত।

শ্রীমতী অমলবালা দেবী  
প্রণীত।

দ্বিতীয় সংস্করণ।

শ্রীসতীশকুমার ভট্টাচার্য্য দ্বারা প্রকাশিত।  
২৪ নং বলরাম বসু ঘাট রোড, ভবানীপুর,  
কলিকাতা।

ধর্মতত্ত্ব সংরক্ষিত। ]

[ মূল্য আট আনা মাত্র।

---

PRINTED BY R. L. SIRCAR AT THE  
KATTYANI MACHINE PRESS

*26, Cornwallis Street, Calcutta.*

---

## ভূমিকা ।

আজকাল বিলাতী সস্তাদরের এসেলে যেরূপ বাজার ভর্তি হইয়া গিয়াছে, সেইরূপ বিলাতের আমদানি সুলভ-মূল্য প্রেম-কাহিনীতেও বাঙ্গালা সাহিত্য কতকটা ভরপুর । লোকের রুচি এখন খুব খেলো জিনিষের উপর ; মুহূর্তের হাসি, দুই ফোঁটা চোখের জল, একটুখানি কর-স্পর্শ—আজকাল প্রেমের নামে বিকাইতেছে । আমাদের অস্তঃপুরের মহিলারাও এই খেলো প্রেম-সাহিত্যের উপর ঝুঁকিয়া পড়িয়াছেন ।

এহেন দিনে শ্রীমতী অমরবালা দেবী তাঁহার “দেবীমাহাত্ম্য” (শুস্ত নিশুস্ত বধ) নাটক লইয়া সাহিত্য-ক্ষেত্রে উপস্থিত হইয়াছেন । নিতাস্ত এক্ষেপে উপন্যাস ও নবন্যাসের রাজ্যে তাঁহার এই গুরুগস্তীর বিষয়ের অবতারণায় মনে হইয়াছিল এ জিনিষটা ঠিক এই যুগের উপযোগী হইবে কি না, তাহা সন্দেহের বিষয় । অতি ছোট ছোট বন্য ফুলের চারার কাছে, যদি হিমালয়ের একটি শিলাখণ্ড ভাসিয়া আসে—তবে তাহা যেরূপ কতকটা অদ্ভুত মনে হয়—এও বুঝি সেইরূপ ।

কিন্তু বইখানি পড়িয়া ইহার পক্ষপাতী না হইয়া পারিলাম না ! গ্রন্থ-লেখিকার শিক্ষা দীক্ষা সামান্য নহে, ইহার শব্দের উপর অধিকারও অসামান্য । তিনি যেখানে গঙ্গাশোভা রচনা

করিয়েছেন, সেখানে তাঁহার চল-চঞ্চল ভাষা সংস্কৃতের বাক্য ও শব্দ-সম্পদ আনয়ন করিয়াছে, যেখানে ভূতের নৃত্য ও প্রেম-সঙ্গীত রচনা করিয়াছেন, সেখানে আমাদের লৌকিক ভাষার একরূপ স্বচ্ছন্দগতি ও হট্ট-কোলাহলের দ্রুত ছন্দ দেখাইয়াছেন, যে তাহাতে আমাদের বাঙ্গলা যে কত বিচিত্র রূপশালিনী, তাহা স্পষ্টই দেখা যায়। কখনও কখনও, যুদ্ধের বর্ণনায় মহা-মায়ার বিরাট মূর্তি দার্শনিকের ভাষা আশ্রয় করিয়া মহীয়সী হইয়াছে। এই লেখিকার ভাষা অবাধগতি, মনের ভাব বুঝাইতে বিশেষরূপ শক্তিশালিনী—কখনও চপল, কখনও উদ্দগু, কখনও দর্শন ব্যাখ্যায় নিগূঢ় সম্পদময়ী, কখন হাশ্বোচ্ছ্বাসে তরল।

মার্কণ্ডেয় চণ্ডী রচিত হইয়াছিল খৃষ্টীয় প্রথম কি দ্বিতীয় শতাব্দীতে! স্বরথরাজা ছিলেন চৈত্রবংশীয়, আমরা উড়িষ্যা রাজ্যে খারবেলের যে খোদিত লিপি পাইয়াছি, তাহাতে দৃষ্ট হয় যে, উক্ত রাজা খৃঃ পূঃ দ্বিতীয় শতাব্দীর লোক, ইনিও চৈত্রবংশীয় ছিলেন। চণ্ডীতে মৌর্যদের উল্লেখ আছে এবং তাঁহাদিগকে দম্ব্যপতির সহচর বলিয়া নির্দেশ করা হইয়াছে। মৌর্য অধিকারের পর পুষ্যমিত্র হিন্দুধর্মের বিজয়-পতাকা পুনরায় ভারতে প্রোথিত করিয়াছিলেন। হিন্দুরাজগণ মৌর্য্যাদিকারে নিস্প্রভ হইয়া পড়িয়াছিলেন। মহিষাঙ্গিতা দেবতাদের ন্যায় তাঁহারা স্বাধিকারবিচ্যুত হইয়া ত্রিয়মাণ হইয়াছিলেন। এই সময় হিন্দুরাজন্যবর্গের সমবেত শক্তিতে বৌদ্ধপ্রভাব বিপর্যস্ত হইয়াছিল। চণ্ডীতে এই রাজনৈতিক বিজয়গাথা ঘোষিত

হইয়াছে। তিল তিল করিয়া ত্রিজগৎ হইতে রূপ আহরণ করিয়া যেরূপ তিলোদ্ভুতা গঠিত হইয়াছিল, বিচিত্র রাজ-শক্তির ঐক্য-সাধনায় হিন্দুর বিজয়শ্রী সেইরূপ ফিরিয়া আসিয়াছিল। চণ্ডীমূর্তি এই বিরাট ঐক্য-সংবন্ধ সমবেত হিন্দুশক্তির পরিকল্পনা, তৎসঙ্গে এই মূর্তি বেদান্তের অদ্বৈততত্ত্বের অমৃতে অভিষিক্ত।

বিশাল নদী যেরূপ অপ্রমেয় সমুদ্রে মিশিয়া যায় এই চণ্ডীর রাজনৈতিক স্রোতঃ সেইরূপ বিশাল বেদান্ততত্ত্বে মিশিয়া গিয়াছে। যিনি একযুগে সময়ের উপযোগী বুগ-ধর্ম্য পালন করিতে আসিয়াছিলেন, তিনি যে শুধু এক যুগের নহেন, সর্বযুগের,—শুধু সময়-ধর্ম্যের প্রতিষ্ঠাত্রী নহেন, সনাতন ধর্ম্যের অবলম্বন,—একমাত্র মহিষ-মর্দিত দেবগণের আশ্রয় নহেন, সর্বভূতের মাতৃরূপিণী, চণ্ডী তাহাই প্রদর্শন করিয়া একটা খণ্ড-যুগের ব্যাপার লইয়া, অনন্তকালের জন্য অমর আলেখ্যের সৃষ্টি করিয়াছেন।

অমরবালা দেবী এই কাব্যের একাংশ লইয়া, তাহা আবার নূতন আধ্যাত্মিক সৌন্দর্য্যে মণ্ডিত করিয়া দেখাইয়াছেন। বহিষ্কর্ম্মের আকর্ষণ দ্বারা অবিভ্যাকৃপিণী প্রকৃতি যখন বহিরি-ন্দ্রিয়ের লোভ উদ্দেক করেন—তখন মানুষ নিজের ধ্বংস বুঝিতে পারে না। সেই প্রকৃতি ‘মায়ী’-রূপ ধরিয়া নিরবধি মানবকে মৃত্যুর কবলে লইয়া যান,—মানবের লোভ ও ইন্দ্রিয় লালসা যত বাড়িতে থাকে তাহার বিনাশের জন্য শাগিত খড়গও ততই শক্তিশালী হইয়া উঠে। সেই প্রকৃতিকে যিনি “মা” বলিয়া

প্রণাম করিতে পারিয়াছেন, তাঁহার চক্ষে সংহার-রূপিণী মাতাই  
বরাভয়-প্রদায়িনী হইয়া সমস্ত মায়াপাশচ্ছেদন পূর্বক তাঁহার  
শুভ-রুচি সুন্দর নির্মল হাসিতে দর্শন দেন ।

যদিও এই নাটকখানি অমুর-যুদ্ধের বিষয় লইয়া লিখিত  
হইয়াছে, সে অমুর সত্যযুগের অমুর নহে, তাহা সর্ধকালের  
অমুর,— তাহা বহিমুখী মানব মন । তাহার সহস্র ইন্দ্রিয়ের  
তাড়না,— তাহাকে সহস্র-প্রহরণময়ী ধ্বংসকারিণীর সম্মুখে  
অবিরত আনয়ন করিতেছে । এই তত্ত্বের সঙ্গে ভাগবত দর্শনের  
সমাবেশ হইয়া পুস্তকখানি আরও উপাদেয় হইয়াছে, কিন্তু  
কয়েকটি জায়গায় এই সকল তত্ত্ব একটু জটিল হইয়া কাব্যাংশের  
কিছু হানিকারক হইয়াছে ।

কলিকাতা  
৩রা আষাঢ়, ১৩৩১

শ্রীদীনেশচন্দ্র সেন ।

## নাটোক্ত-বক্তিগণ ।—

### পুরুষগণ ।—

মার্কণ্ডেয় ঋষি

ব্রহ্মা

বিষ্ণু

মহেশ্বর

ইন্দ্র

বরুণ

কুবের

দেবর্ষি নারদ

দৈত্যরাজ-শুস্ত

শুস্ত-ভ্রাতা নিশুস্ত

দৈত্যবীর চণ্ড

” যুগু

” রক্তবীজ

” ধুম্রলোচন

ব্রাহ্মণগণ

ভিক্ষুক

সৈন্যগণ

হিন্দুস্থানিগণ

উড়িয়াগণ

পাইকদ্বয়

ভূত, প্রেত ও পিশাচগণ ইত্যাদি ।

### স্ত্রীগণ ।—

মহামায়া

জয়া

বিজয়া

ডাকিনী ও যোগিনীগণ

ব্রাহ্মণীগণ

বঙ্গ নারীগণ

হিন্দুস্থানী রমণীগণ ইত্যাদি ।





# দেবী-মাহাত্ম্য

[ শুভ নিশুভ বধ ]

## প্রথম অঙ্ক

থম গর্ভাঙ্ক ।

[ দৃশ্য—কৈলাস ]

[ শিলাসনে হর-পার্বতী উপবিষ্ট , সখীগণের নৃত্য 'ও গীত ]

### গীত

ভাঙ খেয়ে—বাবা বিভোর হয়েছে ।  
ত্রিনয়ন ঢুলু ঢুলু—সর্ব অঙ্গে ভস্ম মেখেছে ॥  
ত্যজি যোগ যোগেশ্বরী,—মহামায়া মহেশ্বরী,  
এলোকেশে অবশ হয়ে—বামে বসেছে ।  
রঙ্গের রঙ্গিনী—ডাকিনী যোগিনী,  
—লয়ে সঙ্গে সদা খেলিছে ।  
রজত-ভূধর—কনক-কিরণে  
আহা কিবা—শোভা ধরেছে ॥

[ বীণা যোগে গাহিতে গাহিতে নারদের প্রবেশ ]

### গীত

ভূত-ভাবন গন্ধাধর—রজত-বরণ ত্রিশূলধারী ।

বাঘাস্বর-ধারণ,—ফণি-মণি-ভূষণ,

বিভূতি-লেপন-অঙ্গ—শ্মশান-চারী ।

মহা-যোগেশ্বর, জগদ্-ঈশ্বর—ঈশান, বিঘাণ-নিলাদকারী,

ধূর্জটি ! চন্দ্রমৌলি ! শিবশঙ্কর !

ভূত-পালন, ভোলা-মহেশ্বর — বিশ্বেশ্বর ত্রিপুরারি ॥

মহাদেব । ( ভগবতীর প্রতি । মহামায়া, দেখ দেখ, ভক্ত-  
চূড়ামণি নারদ এসেছে । ( নারদের প্রতি ) এস, নারদ, এস,  
সব ভাল'ত ?

নারদ । আর—মামা ! তোমার তিন তিনটা চোখ থাকতেও  
কিছুই ত দেখতে চাও না—সদাই বিভোর ! আনন্দে  
নিজেই ডুবে আছ—আমার মত একটা ভবঘুরে তোমার  
চোখেই বা প'ড়বে কেন, মনেই বা ধ'রবে কেন । তাই  
ভাবলুম আমিও ভবঘুরে আছিই,—যাই, একবার মামা  
মামীর চরণ দর্শন ক'রে আসি ।

ভগবতী । ( সহাস্তে ) তা বাছা বেশ ক'রেছ । এস, একে ত  
তোমার মামা বুড়—বয়সের ত অস্ত নেই—তায় ভাও  
খেয়ে সদাই ভোঁ হয়ে থাকেন ; তিনি আর খবর নেবেন  
কখন বল ? আর আমার কথা যদি বল,—আমি  
ভোলানাথকে ফেলে ত এক তিলও কোথাও ফেতে

পারি না,—যে কাহারও দ্বারা খবর নিই । তা বাবা, বেশ  
ক'রেছ এসেছ । ব'স, বাছা—ত্রিভুবন ত ঘুরে বেড়াছ,  
জগতের মঙ্গল ত ?

নারদ । দেখ, মামা ! মামী আমার পাহাড়ে মেয়ে !—পাছে  
বাপের নিন্দে হয়, তাই কথাগুলি বেশ দোরস্ত ক'রেছেন  
যাহ'ক !

মহাদেব । ভগবতি ! সদানন্দ দেবর্ষি নারদ,  
—কেন হেরি তারে  
হেন—নিরানন্দ আজি ?

ভগবতী । কেন, বৎস !—কেন ত্রিয়মান ?  
অতি প্রিয় লীলাক্ষেত্র—মর্ত্যভূমি মম,  
—অমঙ্গল ঘটেছে কি তায় ?  
কি কারণ—  
সবিশেষ বিবরণ কহ প্রকাশিয়া ।

নারদ । মা মঙ্গলময়ি ! জগদ্ধাত্রি !  
কোন্ গুণে লোকে তোরে বলে দয়াময়ী ?  
অবিদ্যা-প্রভাবে তোর,—দৈত্য প্রাদুর্ভাব ।  
ব্যথা পায়—নিত্য—কত শত ভক্তপ্রাণ ।  
'মা' 'মা' ! বলে সকাতরে ডাকে উর্দ্ধমুখে,  
—পাষণী পাষণ-সম রয়েছ অস্তরে !  
যাগ-যজ্ঞ-ধর্ম নাশ !—নিষ্ঠুর-পীড়ন !

দানব-প্রকৃতি নাচে—উন্মাদ আকারে ।  
সে তাপে তাপিত ধরা,—ব্যথিত নিয়ত ;  
—জেনে শুনে প্রবঞ্চনা নারদের সনে !

ভগবতী । নারদ ! আমি কি করবো বল, লোকে আমাকেই  
দোষ দেয় ; বলে—এই বেটীই যত নষ্টের মূল ।

কিন্তু—মনে করহ বিচার,  
সকলের মূল—প্রভু ‘শুণের’ আধার ;  
—আমি মাত্র, ‘নিমিত্ত’ সংসারে ।

তা বাছা রাগ কর কেন ? তুমি জগদ্-বাসীকে দেবাদিদেব,  
সৃষ্টি-স্থিতি-প্রলয়ের একমাত্র হেতু, ভগবান বিশ্বনাথের  
পূজা ক’রতে বল ।—জগৎ আবার শান্তির রাজ্য হ’বে ।

নারদ । ( স্বগত ) আহা ! প্রাণ জুড়িয়ে গেল আর কি !  
আকর্ষণ বিষপূর্ণ—আর বলেন কিনা, অমৃত পান করাও ।  
আমি ত ভগবান নই,—লোকে আমাকে ‘ভক্ত’ নারদ  
বলে বটে । আমার কি সাধ্য—যে আমি অবিদ্যা নাশ  
করি । ঐ জন্মই বলে—

যার কাজ,—তারে সাজে ।

—অন্যের পক্ষে লাঠি বাজে ।

আম্বা দাঁড়াও,—আমিও তোমায় সহজে ছাড়ছি না ।

( প্রকাশে ) আত্মশক্তি ! বিমুভক্তি-প্রদায়িনি !

মায়াময়ি ! নারদের সনে

তোর—সাঙ্গে না ছলনা ।

ব্রহ্মাণ্ড প্রসব করি নাম জগন্মাতা,  
 যদি কষ্ট পায়—তোর জগত-সন্তান,  
 —মুক্তকণ্ঠে করিব প্রচার,  
 হ'লে কণ্ঠাগত প্রাণ ;  
 —‘মা’ ‘মা’ ব'লে আর তোরে,  
 না ডাকিবে কেহ ।

[ নারদের প্রশ্ন

মহাদেব । ভগবতি !

অভিমাণে গেল চলি ব্রহ্মার নন্দন !  
 স্নেহ সন্মোদন করি ফিরাও নারদ ।

ভগবতী । ফিরিবে না দেব-ঋষি !

জগৎ কাতর এবে দৈত্যের প্রভাবে ।  
 ভক্তপ্রাণ—করুণায় হয়েছে ব্যথিত ।  
 তেঁই, প্রভু, আসিয়া হেথায়,  
 অতুল-বৈভব তব যুগল চরণ,  
 করি দরশন—

মধুময় হরিনাম—ঝঙ্কারি বীণায়  
 করিয়াছে নারদ প্রশ্ৰুত ।

চল দেব,—চল করি মর্ত্যে আগমন,  
 নারদের অভিমান হবে পরাজয় ।

মহাদেব । দেবি !—মম হৃদি-বিলাসিনি !

—এ কি কথা শুনি আজি,  
 শ্রীমুখে তোমার ?

কোনু লীলা,—লীলাময়ি, করিছ কল্পনা,

ভয় হয় নতী-লীলা স্মরণে তোমার।

সভয়ে,—অভয় দান কর মহামায়া ।

ভগবতী । দেব, কি হেতু আশঙ্কা এত ?

চরণে আশ্রিত দানী, ওহে বিশ্বনাথ,

করুণা কটাক্ষপাত—কর বিশ্বপতি,

কাতরে শরণাগত বিশ্ববাসিগণ—

সঘনে ডাকিছে । ভক্তে, রাখ রাজ্য পায়,

চল নাথ !—যাই দৌহে, চল মর-মাবে ।

মহাদেব । চল দেনি, ইচ্ছাময়ি !

ইচ্ছায় তোমার—

অবশ্য হইবে, ভক্ত-অভীষ্ট পূরণ ।

[ ভগবতী ও মহাদেবের প্রশ্নান ।

[ যোগিনী ও ডাকিনীগণের বিকট নৃত্য ও গীত ]

### গীত

নেচে নেচে—আয়লো রঙ্গিনী ;

যে ভাবের, যখন খেলা—আমরা তার সঙ্গিনী ।

হাড়ের মালার—গলায় পরবো হার,

হা হা হা, হি হি হি, হবে কি বাহার !

নর-করে বসন পরে—মা হবে উলঙ্গিনী ॥

—শূলে শূলে বাজবে বামা বম্,

লড়াই চলবে—রমা রম্,

হানা হানি—কাটা কাটি—রঙ্গের রঙ্গিনী ॥

# দ্বিতীয় অঙ্ক

প্রথম গর্ভাঙ্ক

[ দৃশ্য—কুসুম কানন ]

[ শ্যামাদ্বী কোমারীবেশে মহামায়া, জয়া ও বিজয়া  
সখীদ্বয়ের প্রবেশ ]

গীত

বিশ্বনাথ, হর দিগম্বর,—ভোলা মহেশ্বর, জগত-পতি ।  
বিভূতি-ভূষণ—হাড়মাল-শোভিত  
লম্বিত জটাজাল—দয়ার পয়োধি ॥  
রজত-বরণ—জগত-কারণ,  
পাতকী-তারণ,—আশ্রিত-পালন,  
জীব-ভাব-ধারণ—শরণাগত-গতি ।  
স্বয়ম্ভু, শম্ভু—জীবজ-অম্বু  
অর্দ্ধ-চন্দ্র-ভাল-রঞ্জিত ভাতি ॥

[ শুভ্র ও নিশুভের প্রবেশ ]

শুভ্র ।

আহা মরি মরি—কে এ রমণী !  
ভুবনমোহিনী,—এলায়িত-কেশ,  
মেঘাবৃত পূর্ণশশী প্রায় !  
নবীন যৌবন,—মন-প্রাণ মুঞ্চকারী

স্কুরত অধর, সুধার আগার,  
 পান আশে মত্ত মন,—ভৃঙ্গ সম ধায় ;  
 বিকচ কোরক-যুগ্ম, বক্ষঃস্থল-শোভা ।  
 অতি তুচ্ছ আমি,  
 —মুনি-মনোলোভা ।  
 অপাঙ্গ-শোভিত, মরি !  
 —কেবা শ্যামাঙ্গিনী  
 নীল-নলিনী-সম—কুমুম কাননে ।  
 ভজিলে আমায়,  
 —রাজ্য-ধন সমর্পিব পায়  
 দান হয়ে রব বাঁধা,—চির দিন তরে ।

নিশ্চিন্ত ।

মণিময় আভরণে সজ্জিত তরুণী  
 তেম-জড়িত—যথা মরকত মণি ;  
 হবে বুঝি কোন রাজার নন্দিনী ।  
 প্রের দূত,—লহ সমাচার ;  
 প্রদানিয়া পরিচয়,—অভীষ্ট জানাও ।

শুভ ।

( স্বগত ) কে রাজা,  
 যাহার নন্দিনী এই !  
 —কোথা তার ছার অধিকার !  
 মোর সম রাজা—কে বা আছে এ ধরায়,  
 ধন জন পরাক্রম প্রবল প্রতাপ !  
 এহেন ঐশ্বর্য—কোথা পাবে আর ।



—অবশ্য ভাজবে বালা, পেয়ে পরিচয় ;

(প্রকাশে) চল, যাই ।—দূত মুখে লইব সন্ধান !

[ উভয়ের প্রস্থান ।

ভগবতী । জয়া ! মহারাজ শুম্ভ আমার দর্শনলাভে বড়ই মুগ্ধ হ'য়েছেন,—নয় ? আমায় দাগীপদে নিযুক্ত ক'রবার মানসে অচিরে দূত প্রেরণ ক'রবেন ।

জয়া । মা ! ত্রিভুবন ষাঁর ভুবন-মোহিনী রূপে মুগ্ধ—ব্রহ্মা, বিষ্ণু, মহেশ্বর ষাঁর বিশ্ব-বিজয়িনী মায়ায় দিক্‌হারা,— অতি ক্ষুদ্র দৈত্যরাজ, বল কি করিবে ?

ভগবতী । দেখছিস্ বিজয়া ! জয়া আমার কথা ধ'রতে পারলে না ।

বিজয়া । ওরে জয়া ! তুই ত বড বোকা ! শুম্ভ নিশুম্ভ যে মা'র প্রিয় ভক্ত । সেইজন্য মা রূপা ক'রে দর্শন দিয়েছেন । আয়, আমরা একটু আমোদ করি ।

### গীত

ভাল খেলা, খেলবো এবার—আমরা সকলে ।

রূপের নেশা, লাগলে চোখে, খুচবে না—কোন কালে ॥

শ্মশানে—নাচবো তাথেই থেই,

মড়ার মাথায়,—খেলবো ভাঁটা—কেমন মজা সেই ।

চক্ চকিয়ে রক্ত খাব,—বেয়ে পড়বে ছ'—গালে ॥

দূতের প্রবেশ ।

দূত । (স্বগতঃ) বাঃ ! বেড়ে ! একেই বলে রাজা রাজ্‌ড়ার  
চোখ ! এক নজরেই কেমন ধরেছে ! এই কাল ছুঁড়ীটাকে  
যেন, দেখেছি দেখেছি কোথায়.—মনে ঠেকুছে । তা নজব  
ত—হাজার হোক বলি, রাজাদের মতন ত নয় । কিন্তু  
যাহোক বাবা,—কালোর ভেতর এত আলো-করা রূপ যে  
হয়, তা—ইহ জন্মে কেন, বৃষ্টি, জন্ম জন্মান্তরেও কখন  
দেখিনি । (প্রকাশে) বলি, ওগো বাছারা ! দূর ছাই—কি  
যে বলি,—বলি, শুনুছো ! এই আমাদের মহারাজ,—এই,  
এই, তোমায় দেখেছেন,—বুঝলে ?

মহামায়া । হ্যাঁ ।

দূত । (স্বগতঃ) হয়েছে ! তাহ'লে দুদিকেই উচাটন । না  
হবে কেন !—অত বড় ঐশ্বর্যবান্ রাজা । আঃ, আর কথায়  
কাজ কি ! (প্রকাশে) ভাল, ভাল ! আমি কে, জান ?

মহামায়া । জানি বৈ কি ।—মহারাজ শুম্ভের দূত ।

দূত । বেণ, বেশ,—বেঁচে থাক বাবা । আমার কষ্ট পে'তে  
হবে না । (স্বগতঃ) রাজা ব্যাটা বলে কিনা—যদি আস্তে  
না চায়, চুলে ধরে আন্বি । হুঁ !—রাজা হলেই ত হয় না,  
বুদ্ধি গৌজা ; এখন এমনি দাঁড়িয়েছে—সেধো ভাত  
খাবি ? না,—হাত ধোব কোথা ? হাঃ হাঃ । (প্রকাশে)  
তা বাছা এই নাও (লিপি প্রদান) (স্বগতঃ উঃ ! আগ্রহটা  
দেখু ছ একবার !—যেন প্রোষিত-ভর্তৃকার লিপি গ্রহণ ।

মহামায়া। দূত। কহ গিয়া রাজারে তোমার—

শক্তি-বলে—যেই জন পরাজিবে মোরে,  
তাহারে বরিব আমি।

—এই মোর পণ।

দূত। (চমকিত হইয়া) ও কি কথা! ও কি বল্ছ গো। আমার  
খটকা লাগাচ্ছ কেন?—বুকটা যে দমে গেল, মা! বলি,  
—কি বল্লে? ভাল করে বল—বুঝতে পাচ্ছি না।

জয়া। খর অসি করে—সংগ্রাম ভিতরে—

যেই জন জিনিবে নমরে—

তাহারে বরিবে মাতা—পণ দৃঢ়তর।

দূত। অবাক কল্লি মা—তোরা! (মহামায়ার প্রতি) বলি ইঁ্যা  
গো! ইনি যা বল্লেন, তা'—সত্যি নাকি?

মহামায়া। অতি সত্য!—যুদ্ধ মোর পণ।

দূত। হাঃ, হাঃ, হাঃ,—ইঁনালে মা ইঁনালে! (বিজয়ার প্রতি)  
বলি—তুমি একটি কথা কও। চুপ্ ক'রে কেন?—তুমি  
কি বোবা?

বিজয়া। তোমার মতন অত কথা ত আমরা জানি না।

আমাদের কথাও যা কাজও তাই। মার আদেশ মত  
কর্ম করে থাকি।

দূত। বলি, আবার দেখছি যে প্রাণে ধোঁকা দিলে! 'মা'  
'মা' ব'ল্ছো,—আমি ত দেখছি এক মাপের তিনটি!

—তবে উনি একটু চটকদার বেশী। একি তোমাদের  
পাতান মা ?

বিজয়া। ব্রহ্মাও প্রসব করি,—নাম জগন্মাতা,  
জীবের জীবনী-শক্তি, মহাশক্তিরূপা,  
'অনন্ত' আধার ষাঁর।—মৃগাল কোরকে  
ব্রহ্মা বিষ্ণু মহেশের উদ্ভব নিলয়।  
অন্ত ষাঁর নাহি পান—আপনি শ্রীকান্ত,  
—জননী বলিয়া বক্ষে পিয়েছেন সুধা।  
কৃষ্ণ-মাতা, বিশ্বমাতা, অনন্তরূপিণী,  
—মহামায়া, স্নেহরূপা,—জননী মোদের।  
মূর্থ তুমি,—লীলা তাঁর বুঝিবে কেমনে ?

দৃত। বাবা ! কথাব ধুকুড়ী ! আমি বলি কিনা—একদম বোবা  
তা বলি, বাছা ! তোমার কথার ভেতর আমি ত বুঝ্‌লুম  
কেবল “মূর্থ তুমি”—তা মুখ্য মুখ্যই নই ! এখন তোমরা  
আমায় স্পষ্ট বল—মহারাজের আদেশ তোমাদের নিয়ে  
যেতে—যাবে তোমরা ?—না একটা কেলেকারি ক'রবে ?

মহামায়া। তুমি দৃত !—যাহ ছুরা  
লইয়া সংবাদ। কহি সত্য পণ ;  
বিনা যুদ্ধে,—আমি তাঁর না হইব দাসী।

দৃত। (স্বগতঃ) মরণ আর কি ! চুল ব'রে হিঁচুড়ে হিঁচুড়ে নিয়ে  
যেতুম,—তা রাজার যখন একে মনে ধরেছে,—তাইতে

চুল আর এখন ধরছি না - জানি কি । ( প্রকাশ্যে ) তবে  
সেই এক কথা,—লড়াই নিশ্চয় ।

জয়া । নিশ্চয়ই ।

দূত । ( ভঙ্গিসহ ) নিশ্চয় ! আচ্ছা চল্লুম তবে ; ( স্বগতঃ জয়ার প্রতি )  
তো বেটীকে আগে ঘোড়াশালের বান্দী ক'রবো !

দূতের প্রস্থান ।

ভগবতী । চল জয়া ! যুদ্ধ লাগি হইব প্রস্তুত ।

জয়া । বিজয়া, মার কত ভাবনা—দেখছিন্স্ ভাই ? চল মা !

[ উভয়ের প্রস্থান ।

## দ্বিতীয় গর্ভাঙ্ক

[ দৃশ্য—রাজবাড়ী ]

[ সিংহাসনে শুস্ত ও নিশুস্ত উপবিষ্ট ]

[ পার্শদ, দৈত্যগণ ও দূতের প্রবেশ ]

দূত । জয় হোক মহারাজ । ( স্বগতঃ ) সংবাদ—যা, তা'ত  
একেবারেই জয়-যুক্ত নয় ।

শুস্ত । এস দূত,—সংবাদ কি ?

দূত । ( স্বগতঃ ) বলি, কেমন করে । ( নিঃস্বরে ) অশ্রুত চলুন ।

শুভ । (পার্বদগণের প্রতি)

ক্ষণকাল অন্তরালে কর অবস্থান ।

গভীর মন্ত্রণা মম আছে দৃত সনে ।

পার্বদগণ । যথা আজ্ঞা মহারাজ । এস হে, এস ।

[ পার্বদগণের প্রস্থান ।

শুভ । দৃত দিয়াছ কি—পত্র খানি সে কোমল করে ?

কেমনে করিল পাঠ—দীন লিপি মোর ?

হর্ষ, কি বিষাদ ভাব, ভাতিল বদনে—

দেখেছ কি স্থির নেত্রে ?—মন স্থির করি ?

কি উত্তর দিয়াছে ললনা ?

পত্র ?—কিস্বা কহিল শ্রীমুখে ?

দৃত । রাজন্ ! উথলা হবেন না । সে মেয়ে এক বিদ্যুটে পণ

ক'রে ব'সে আছে । বলে,—আমি কি ক'রবো, যখন পণ

ক'রে ফেলেছি—তখন ত আর উপায় নাই ।

শুভ । কি বা পণ ?

—অবশ্য করিব পূর্ণ ।

কহ সবিস্তারে ।

দৃত । অনেক ভাল কথা—মা, বাছা, কত বল্লম,—কিন্তু সেই

এক কথা ! বল্লে,—যে আমার যুদ্ধে জয় ক'রবে, তাকেই

বরমালা দিব ! তার দাসী হব ।

শুভ । (নিশ্চেষ্টের প্রতি)

যুদ্ধ সাধ শুনে হাসি পায় ।

বালিকা সুলভ বুদ্ধি এই চপলতা !  
 —অনুমাণে কিবা হয় ? কহ মহামতি !  
 নিশ্চিন্ত । যবে সখিদ্বয় সহ, কুসুম কাননে,  
 হেরিলাম মধ্য-ভাগে, কৌমারী ললনা,  
 —অদ্ভুত আশ্চর্য্য দৃশ্য—ভাতিল নয়নে,  
 জীবন-মরন-সহ ‘চৈতন্যের’ গীলা ।  
 সুখ-দুঃখ দুই দ্বন্দ্ব—সদা সংমিশ্রণ,  
 পাপ-পুণ্য ভোগ সহ—জীবন জড়িত,  
 ত্যাগ-যোগ, এক সাথে,—ক্রম-বিনিময়,  
 —উচ্চ-নীচ কর্ম—সদা রত কর্মভূমে ।  
 দুকুল প্লাবন,—তথা মধ্য-স্থির নীরা  
 অনন্ত বারিধি-খেলা ।—তিন সমাবেশে  
 উত্তাল-তরঙ্গ-রঙ্গ ।—লাগে চমৎকার ;  
 হাসি-কান্নাময়,—আহা ! ‘মুক্ত’ সমুদয় ।  
 সহজ, কঠিন, কিবা—দুই পথ শোভে,  
 —মধ্যস্থলে, ‘নির্ঝিকার’ শাস্ত, ‘নিরাময়’ ।  
 ধায় প্রাণ—নেই স্থানে করিতে গমন,  
 —রোধি পথ দাঁড়াইয়া ‘করম’ নিষ্ঠুর ।  
 বহিছে কালের স্রোত,—সদা লক্ষ্য-হারা  
 অনন্ত পথের সনে ।—‘নিয়তি’-নিয়ত,  
 জল-বিশ্ব সম—তাহে ভানে জীবগণ,  
 ডুবে, উঠে,—‘প্রকৃতির’ নিয়ম অধীনে ।

অসম্ভব নহে কিছু রাগাঙ্গনা-রগ ।

‘অযোনি-সম্ভবা’-জনে,—সকলি সম্ভবে ।

দূত । ( স্বগতঃ ) হয়েছে, হয়েছে,—ঐ—ঐ রকম । সেই কাল  
ছুঁড়ীটেও ঐ রকম বক্ বক্ ক’রে বকেছিল । কথার  
মাথাও নেই, মুণ্ডুও নেই । ( প্রকাশ্যে ) যা’হোক মহারাজ,  
সাদা কথা,—বড় সুবিধে নয়—আন্দাজে বুঝ্‌লুম  
যে সোজা নয় । এখন হুজুরের অপর আদেশ দাসেব  
শিরোধার্য্য ।

শুভ । আচ্ছা,—তুমি যেতে পার । সেনাপতি ধূত্রালোচন  
বীরকে এখানে প্রেরণ ক’রবে ।

দূত । যথা আজ্ঞা মহারাজ । ( স্বগতঃ ) দৈত্যসেনাপতি  
ধূত্রালোচন বীরের ডাক ! কুমারী মেয়ের সঙ্গে লড়াই ।  
একটা বীর বটে । হাঃ ! হাঃ !

[ দূতের প্রস্থান ।

শুভ । অতি স্পর্ধা—সামান্য নারীর ।

—কণামাত্র মোর রূপা যে রমণী পায়,

তাজি পিতা মাতা,

—আসি চরণে লুটায়,

বহু ভাগ্যবতী, ধন্য, মানি আপনারে ।

ভাগ্যহীনা এ রমণী ।

অথবা—রূপের দারুণ গৌরবে,

হিতাহিত লাভালাভ—পারেনি গণিতে ।



মিনতি করিয়া, লিপি লিখি সযতনে,  
 রাজা হ'য়ে—যাচি প্রেম  
 ভিখারীর প্রায় !  
 উত্তরে—চাহিল রণ !  
 —কেশ আকর্ষণ করি আনিব নিশ্চয় ।  
 চূর্ণ করি দস্ত অভিমান !  
 —লুটাইব মোর পদতলে ।

[ ধূম্রলোচনের প্রবেশ ]

ধূম্র । জয় হোক ! মহারাজ,  
 কি আদেশ,— এ দাসের প্রতি ?

শুভ্র । যাহ ত্বরা কুমুম-কাননে—  
 নীল-নলিনীসমা—কৌমারী ললনা,  
 সখীদ্বয় সহ রঙ্গে—হেরিবে তথায় ।  
 ঘনকৃষ্ণ—আঙুলফ-লম্বিত কেশ-জাল ;  
 দস্ত ভরে, করি আকর্ষণ,  
 — ত্বরায় আনহ হেথা ।

ধূম্র । ( স্বগতঃ ) এ আবার কি ব্যাপার ! মহারাজ যখন কোন  
 রমণীতে আসক্ত হন,—আহ্বান মাত্র সে উপস্থিত হয় । এ  
 কেমন বিপরীত নারী ? যা হোক, আগে দেখি এ বেটা  
 কে ! ( প্রকাশে )

মহারাজ !—অতি তুচ্ছ এ আদেশ ।

ছলে ভুলাইয়া অবশ্য আনিবে দাস ।  
 বন্ প্রকাশের—নাহি হবে প্রয়োজন,  
 কোন চিন্তা নাহি দৈত্যপতি,  
 এখনি আনিব তারে ।

[ ধূম্রলোচনের প্রশ্নান  
 নিশ্চিন্ত । চল রাজা অন্তঃপুর মাঝে । অবশ্য আনিবে তারে  
 ধূম্র মহাশূর !

শুভ । চল ।

[ উভয়ের প্রশ্নান



# তৃতীয় অঙ্ক

প্রথম গর্ভাঙ্ক

[ দৃশ্য—গঙ্গা ]

[ স্নানার্থী পুরুষগণের গমনাগমন ও বহু-নারীগণের  
স্ত্রোত্র গাহিতে গাহিতে প্রবেশ ]

স্ত্রোত্র

হরি পাদ-পদ্ম—বিহারিণী গছে,  
ত্রিভুবন-তারিণী  
ত্রিভুবন-পালনী  
—ব্যাপিত ত্রিভুবন অছে,  
গিরিরাজ নন্দিনী গছে ।  
মর্ত্যে—‘স্বরধুনি’  
স্বর্গে—‘মন্দাকিনী’  
পাতালে—‘ভোগবতী’ পুণ্যে,  
গিরিরাজ নন্দিনী ধস্তে !  
লকর—আসনা  
শ্বেত—বরণা  
শঙ্খ রতন—শোভিত অপাঙ্গে,  
পতিতোদ্ধারিণী গছে ।

কলুব—নাশিনী

নরক—বারিনী

বন্দিতে স্বর-নর—রবে

সাগর—গামিনী

ভীমা—তরুণী

জয় ! জয় !—জাহ্নবী ধন্তে ।

রমণীগণ—মাগো ! নিস্তার-দায়িনী,

জন-পাপ-হারিনী

অস্থিমে, ত্রীপদে—স্থান দিও জননী ।

[ রমণীগণের কূলে উপবেশন

[ গাহিতে গাহিতে অঙ্কের প্রবেশ ]

কাঙাল যদি না আসিত ছুয়ারে,

—দাতা নাম কে, দিত গো তোমার

ভক্ত ভগবান না হলে মিলন,

সংসারের শোভা—রহিত কোথায় ?

অনাথের নাথ—হরি দীনবন্ধু !

অনাথ করে'ছ—যাহারে,

ওগো ! তাদের ভরসা—ভক্তের হৃদয়ে—

—দয়াময়ের দয়া আকারে ।

না জানাতে দুঃখ,—ব্যাথা পাও, হরি !

রহিয়া—হৃদয়-মাব্বারে,

ঢালিয়া দিয়াছ—দয়, ধর্ম-বল

—ধন্য করেছ যাহারে ।

অন্ধ । ঠাকুর তাদের ভাল রাখ । মাগো তাদের অন্ধ  
সন্তানকে দয়া কর মা ।—কান্ধালের ঠাকুর তাদের ছেলে  
বুড় সকলকে সুখে রাখবে ।

১ম রমণী । তাই বল বাছা,—তাই বল । এই নাও বাছা,  
( দান ) ।

অন্ধ । বাবা, অনাথের নাথ হরি, দয়া কর ।

[ অপর রমণীগণ একে একে 'এট নাও বাছা'—ভিক্ষা দান ]

অন্ধ । কান্ধালের ঠাকুর—মায়েদের ছেলে বুড় সকলকে সুখে  
রাখ ।

[ 'কান্ধাল যদি না' গাহিতে গাহিতে অন্ধের প্রস্থান ]

[ খোট্টাঘরের প্রবেশ ]

১ম খো । আয়ে মায়ী লোক । কাহে হিঁয়াপর আয়া, আপকো  
কোঠ্ঠিমে যাকে রহো । সড়কপর মাৎ আইয়ে ।

রমণীগণ । কেন গো ?

১ম পু । আরে—এ মুল্লুকমে একঠো খপ্পুরৎ ছোকরী আয়া ।  
শুস্ত রাজাজীকা দোনো সর্দার আদমী—এক ধুম্রিলোচনা  
আউর একঠো—ও দোনোকো পাকড়কে খা-লিয়া । আউর  
কেত্তা সিপাই লোককো মার ডালা । উসি ওয়াস্তে  
রাজাজী হুকুম কিয়া জর লোক দেখনেসে পাকড়কে  
হাজির করে । কাহে হর-বরমে পড়োগে—ভাগো !

রমণীগণ। ওমা ! কি সর্বনাশ, মেয়েমানুষে ধর্বে কি গো !

মানুষে—মানুষ খাচ্ছে!—এমন কথাত কখন শুনিনি, বাপু!

১ম। আর শোনায় কাজ নাই, ভাই পালিয়ে এস। ৩মা

গঙ্গা—দিন দেন তখন আবার আসবো।

[ ৩গঙ্গা প্রণাম করতঃ রমণীগণের প্রস্থান

### দ্বিতীয় গর্ভাঙ্ক

[ পাইকষ্মের প্রবেশ ]

১ম পা। ঝড়ু—হিঁয়া ত কোই না ভই ? মহারাজ হরদম্  
লাগাতা—কালো ছোকরী ! কালো ছোকরী—কাঁহা কালো  
কাঁহা ধোলা ? আছি হয়রান্ কি বাৎ । জান দিগদার  
লাগ্ গিয়া ।

ঝড়ু । ভেইয়া ! রাজাজীকা মগজ বিগড় গিয়া । বাউরা  
লাগ্ তা । লেকেন্—হাম লোক কেত্তা ঘুম্ যুম্কে মরেগা ?  
তিন রোজ—দিন ভর্, রাত ভর্, হরদম্ ফিরনে রহা ?  
হামারা জান গিয়া ! নউকরিকো ছোড় দেনা বি আচ্ছা ;—  
লেকেন আউর নেহি ফিরে গা ।

ঝড়ু । সচ্চি বাৎ, চলিয়ে ।

( উভয়ে গমন করিতে করিতে দণ্ডায়মান হইয়া )

১ম । ঝড়ু ? হামকো খোড়া তাজ্জব লাগ গিয়া । সর্দারজী  
ধুমরী বহুৎ কস্‌রৎ বালা আদমী, উনকো একঠো ছোকরী  
মার ডালা !—এ কেসি বাৎ ?

ঝড়ু । ঝুট্টা বাৎ ! কাহে শুনতা জী ! ধুমরী লোচনা বুড্ডা  
আদমী ; লেকেন্ ওনকো তলপ আ গিয়া, তব ও মর্ গিয়া ।  
রাজাকীকো দিলমে লাগতা—ছোকরী উস্কো মার  
ডালা ! ছোকরীকো পাশ্ কুচ্ কিস্‌মৎ রহেনেসে বিশুশাস্  
হেতা থা । রাজাজীকো মগজ্‌মে ছোকরী ছোকনী  
রাহেনেসে ওহি লাগ্‌তা ! চলিয়ে জী—চলিয়ে !

১ম পা । ঝড়ু ! বহুৎ বহুৎ সিপাই মর্ গিয়া—সব লোক  
বোলতাথা ।

ঝড়ু । আরে আচ্ছি হায়রাণ ! কোন্ মরা, কোন্ জিতারা,  
কাঁহা ছোকরী !—হামলোক কো কেয়া দরকার, যিস্কো  
দরকার ওহি ঢুড়নে রহেগা । আইয়ে হাম ভাৎ ওৎ  
মান্‌দায়নে যাতা ।

১ম পা । চালিয়ে হামবি যায়েগা ।

[ উভয়ের প্রস্থান ।

## তৃতীয় গর্ভাঙ্ক

[রাজা শুভের প্রবেশ]

শুভ । অতি শোভাময়ী জাহুবীর কুল  
 —প্রাণি-সমাগম হীন,  
 চায় প্রাণ সিংসঙ্গ নির্জন ।  
 উঃ !— কি করি উপায় ?  
 নিরীক্ষণে যার, হত ধুম্ববীর—  
 নিশ্বাসে হারায় প্রাণ বীর সৈন্যগণ !  
 —কেমনে ধরিব তায় ?  
 চতুর্দিক অন্বেষণ করি দূতগণ  
 সন্ধান না পায় তার ।  
 হায় ! হায় ! জ্বলে প্রাণ, অতীব নিষ্ঠুর !  
 তবু মন ধায় তারি আশে—  
 নিবারণে, না মানে প্রবোধ কভু ;  
 বিবিধ পতঙ্গ যথা অনল সঙ্গমে !  
 —একবার আসে যদি মন-প্রাণ-হরা  
 নিকটে আমার,  
 ক্ষমি তার শত অপরাধ,  
 আকুল আবেগে—বক্ষে করিব ধারণ ।  
 নিরখিব প্রাণ তারি বদন-চন্দ্রমা  
 ক্ষুধার্ত তু মিত্ত যদি হইবে শীতল ।



শুভ ।

গীত

নীল-বসনা—পদ্ম-আসনা  
 উজ্জল দ্যলোক ভুবনে,  
 অমিত চন্দ্রিকা--ক্ষরয়তি সুধাধার  
 সুকুমার কপোল আননে ।  
 নিরমল নয়ন,—অচঞ্চল চল চল,  
 কাল-কদম্বিনী—বেষ্টিত কুস্তল,  
 গুণ সমাবেশে—ক্ষীণা মধাস্বল,  
 ক্ষোভিত—মন-প্রাণ হরণে ।

[ শিখিপুচ্ছ চূড়া-ধারিণী নীলবসনা  
 কোমারী মহামায়ার প্রবেশ । ]

মহামায়া । মহারাজ কি আমায় স্মরণ করেছেন ?

রাজা । (সচকিতে) একি ! কোথা শুনি বীণার ঝঙ্কার ।

(পশ্চাৎ দর্শনে স্বগত) এইত এসেছ !

আহা !—মরি মরি, কি রূপ-মাধুরী !

জুড়াল নয়ন আজি রূপ দর্শনে ।

সপ্ত তন্ত্রী বাজে বীণা শ্রবণ বিবরে ।

একাদশ ইন্দ্রিয় মন অচঞ্চল,

বিমোহিত বচন মধুরে,

কমল-নয়না, মম 'আত্মা', 'প্রাণময়ী'

(প্র কাণ্ডে) এস প্রিয়ে নিকটে আমার

মোর সম প্রাণ কিগো আকুল তোমার ?

বুঝেছ কি মবম বেদনা ?  
 জেনেছ কি হৃদয়-কাহিনী ?  
 তবে কেন রয়েছ অন্তরে ?  
 এস,—ধরি হৃদে । এস—মোর হৃদয়েব নিধি ।  
 নাশিয়াছ ধূম্র মহাশূব !  
 বল বীর সৈন্ত হত—তব সহ বণে ;  
 —দুঃখ নাহি গণি প্রিয়ে ।—মবণে সবাব  
পাইয়াছি তব দরশন ॥

হের, প্রিয়ে । অনুক্ষণ আকুল পিপাসা  
 নিষ্পেষিত কবিত্তেছে হৃদয়-আগাব ;  
 নাহি নিদ্রা, আশা তৃষ্ণা গিয়াছে সকলি ;  
 রাজ্যা, ধন, যশ-মান—সব বিসর্জন !  
 দিবানিশি ফিরিতেছি প্রেমের ভিখারী  
 কব দান কৃপাকণা—দাসে লো সুন্দরী ॥

### গীত

ওগো নিঃস্বয় হ'য়ো না—

যদি এসেছ—এ দীন আধারে

তবে দাস জনে চরণে ঠেল না ॥

অমুদিন, রতি-রত হৃদয়, গোপনে

'চিত' সনে কেলি-রতা,—মধু পদ্রশনে,

কত আকুল পিয়াসা, ভাব তরঙ্গ

তরঙ্গায়িত মরমে ;

দহনে দহিত—মন প্রাণে রসনা ॥

হে চন্দ্রাননা—

কত সহি দিবানিশি—মরম ঘাতনা,  
মোহ মদিরা মত্তমন,—আবেশ বিভোরা  
কাতরে কাঁদে কত বিলাস বাসনা ।

মহামায়া । ক্ষান্ত হও মহারাজ !

এখনও অসম্পূর্ণ তব সত্য প্রেম ॥  
ভোগ লালসায় মত্ত, মত্ত-করি সম  
দুর্গিবার ধায় মন—ভ্রান্ত পথহারা ।  
বিকার-জড়িত, **মাস্তা** হেরিয়া সম্মুখে,  
—এই ‘সত্য’ বলি তাহা করিছ গ্রহণ !  
লুকায়িত বিষধর—অন্তর-গহ্বরে,  
—প্রেমের মোহিনী ছবি প্রকাশ বদনে ।

**বিনা প্রেমে—কোথা পাবে পরশ দুর্লভ**  
প্রেম গঠিত অঙ্গ কুমুম আগার ॥

রাজা । ( স্বগত ) অতি সত্য !

—চিত্রিত মানস, যথা বিদ্বিত দর্পণে ।

সত্য প্রেমহীন !

কিবা ক্ষতি তায় ?

এই ষড়ৈশ্বর্যাশালিনী ধরা,

ইহা ত ভোগ-স্থান ।

ইচ্ছামত ভোগ-সুখ করে নরনারী

তাজি ভোগ কেন “ত্যাগ” ধরি !

বাসনা-জড়িত জীব—ব্যথা পাবে তায় । .

স্নেহায় যদি নাতি দেয় ধরা

—প্রসারিয়া বীর বাহুবল

দৃঢ়রূপে বাঁধব বন্ধেতে ।

( প্রকাশে ) সত্য কহিয়াছ, প্রিয়ে ! দুর্দম লালসা,

নিয়ত করিছে মোর হৃদয়ে পীড়ন ;

কিন্তু—স্থির জান বরাঙ্গনা,

মূল তুমি ইহার কারণ ।

কেন দুঃখ দাও—মুখ তুলে চাও

এস কাছে কর আলিঙ্গন

মিটে যাক্ অদম্য লালসা ॥

মহামায়া । মহাবাজ ! ভোগে নাহি হয় কভু বাসনার  
ক্ষয় ।

রাজা । বল, বল,—বল প্রিয়ে

তবে কিসে হয় ? রে নির্দয় ! দেহরে নির্ণয়

—যায় প্রাণ ! কি উপায় আর ?

মহামায়া । আছে রাজা, উপায় তোমার ;

—ঘৃণা ভরে, নারী দেহ করি প্রত্যাহার,

শত্রু বলি—ভাব মোবে ॥

রাজা । অসম্ভব ! অতি অসম্ভব !

‘জীবন’, ‘মরণ’ প্রাপ্তে আছি দাঁড়াইয়া ॥

—অনিবার্য প্রবল বাসনা  
 ছুটে মন পবনের আগে,  
 —কার সাধ্য রোধে তায় !  
 অতি সত্য !—প্রেমশূন্য আমি !  
 শ্মশান সমান হৃদি হয়েছে আমার ;  
 বাসনার, প্রজ্বলিত দীপ্ত হতাশন  
 বিশ্বগ্রাসী—ছুটিছে চৌদিকে ।  
 —টির শত্রু আমি তোর !  
 রে কাল ভুজঙ্গিনী !—ঢালি মর্মে কৃট হলাহল  
 এবে উপদেশ দান !—করিতে বর্জন ?  
 আয় কাছে,—আয়রে রাক্ষসী,  
 তীক্ষ্ণ অস্ত্রে বিদারিয়া হৃদি  
 আজি তোরে ধরিব নিশ্চিত ।

[ বাহ প্রসারিমা ধরিতে উত্তত

মহামায়া । মহারাজ পারিবে না, প্রাণ হারাইবে ।

[ মহামায়ার অন্তর্ধান

রাজা । একি ?—কোথা গেল ?  
 —কারে করি আলিঙ্গন !  
 জ্ঞান হয়—শূন্যে মিশাইল ।  
 শূন্য !—শূন্য !—মহাশূন্য চারিধার !  
 ঘোর অন্ধকার ! এসেছে কি অঁধার রজনী !  
 কিম্বা মস্তিষ্ক-বিকার হেতু দেখা তার ?

—বুঝিতে না পারি কিছু ;  
 স্বপনের প্রায় আসে,—ভাসে,  
 ধরিবারে যাই,—অমনি লুকায় !  
 না, না,—এ নহে স্বপন,  
 নহে নিদ্রাঘোর,—সত্য-জাগরণ !  
 অতি “সত্য”—এসেছিল জাগ্রত মুরতি,  
 মরি ! মরি !—কিরূপ মাধুরি !  
 ছড়ায় লাবণ্য-রাশি—বিনাশি অঁধার,  
 মৃদু হাসি অধরে বিকাশ !  
 ক্ষরে সুখা চন্দ্রানন হতে ॥  
 বিশাল জগতী তলে ‘আত্মহারা’ আমি  
 —অতি কাছে দাঁড়ায়েছি ঘনিষ্ঠ আচারে ।  
 কোমলাঙ্গ পরশনে বিরত কেবল ;  
 হায় ! হায় !—কোথা লুকাইল !  
 ক্ষণমাত্র পুন’ যদি পাই দরশন—  
 ভেদাভেদ-জ্ঞানহারা—ধরি দৃঢ়রূপে ।

(শূন্যে দৈববাণী) মহারাজ ! বিনাযুদ্ধে আমায় পাবে না ।

রাজা । সেই স্বর !—সেই নিন্দিত-রাগিনী !  
 বীণা ধ্বনি সম !  
 এতদিনে বুঝিলাম সার  
 মায়াবিনী প্রাণ-হস্তী মোর !

মানবী, দানবী নহে.—মহা মায়াবিনী  
মহা-মায়ী !!!

মহামায়া ।—দেখি তোর কত মায়া বল ।

স্বর্গমর্ত্ত রসাতলে

কোথা তোর স্থান ?

ছিন্ন করি হৃদয়ের বন্ধ রক্ত-শ্রোত

—তীক্ষ্ণ অস্ত্রে বিনাশিব তোরে ॥

চণ্ড মুণ্ড বীরদ্বয় সহ সৈন্যগণ,

দৈত্যকুল চূড়ামণি রক্তবীজ বীরে পাঠাইব রণে ;

সংগ্রামে নাশিবে দৃষ্টা কাল কপালিনী ।

[ বেগে প্রস্থান ।

চতুর্থ গর্ভাক্ষ

[ দৃশ্য—সমুদ্র ]

গীত

জলের তরঙ্গে ভাসিতেছি রহে

নাহি দিবা                      নাহি নিশা

—সুখ দুঃখ সঙ্গে

কোথা ভেসে যাই

মাগরের পারে কিবা অকূলে—

কুল নাহি পাই

—পুনঃ পুনঃ আসি,

আঁধি নীরে ভাসি,

খেলিতেছি এই খেলা—চিরদিন রঙ্গে ।

[ চণ্ড মুণ্ডের প্রবেশ ও ভঙ্গি-সহ নৃত্য ]

চণ্ড । জলের তরঙ্গে ভাসিতেছি, বাঃ ! বাঃ !—থামলে কেন  
গো ? আমিও একটু ( ভঙ্গি সহ নৃত্য ) জলের তবঙ্গে  
নাচতুম । যাক্—আর কাজ নাই । বলি হাঁ গা —  
তোমরা কারা গা ?

১ম উর্ষি । আমরা উর্ষিমালী ।

চণ্ড । ( স্বগত ) বাবা ! কি বিদ্যুটে নাম । হাল্ ফেসানের  
নামও নও । কোথায়, অচলা, সসীমা, বেলা, চেলা, নাম  
রাখবে !—কালের গতিতে নামের গতিও চলুক । তা নয়—  
'উর্ষিমালী' ! ( প্রকাশে ) বলি—ওগো ! তোমরা কারা ?—  
এই আমরা যাকে খুঁজে খুঁজে য়ুর্ছি,—তাঁর সঙ্গিনী  
টঙ্গিনী কি ?

১ম উ । হাঁ—আমরা মহামায়ার সঙ্গিনী ।

চণ্ড । ও বাবা ! কার সঙ্গিনী বল্লে ?

২য় উ । মহামায়ার ।

চণ্ড । ( স্বগত ) বাবা রে ! বাবা !—ঠাকুর দা ! নাম শুনেই  
প্রাণ কুপোকাৎ । এ যেন বিশ্ব ব্রহ্মাণ্ড ভরে রয়েছে রে !  
বাবা ! ( প্রকাশে ) বলি ওগো ! মোলায়েম বাছারা ! বলি  
তাঁর এমন চটক্‌দার নাম কে রেখেছিল ?



১ম উ। কে যে নাম রেখেছিল, তা আমরা কেমন করে  
বলবো বল। তবে শুনেছি, যে জন তাঁর তত্ত্ব পায় সেই  
জন ভক্তি-ভরে নানা নাম ধরে ডাকে।

চণ্ড। বেশ, বেশ, ( স্বগতঃ ) প্রাণে আশা হল ; ( প্রকাশে )  
তা তাঁর আরও অনেক নাম ধাম আছে। ভাল ভাল,  
বলি বললে না লোকে আদর টাদর করে।

১ম উর্ষি। ( হাঁ ) যে জন মন প্রাণ কায়  
সঁপে রান্ধা পায়—

( ভঙ্গিসহ ) বাঃ, বাঃ, বাহবা, বাহবা।

১ম উ। মা মা মা বলে

ডাকে হৃদয় খুলে

( আঁৎকে চণ্ড মুণ্ড ) খেয়েছে—মাথা

১ম উ। দীন দয়াময়ী

জগত জননী তারা

হৃদপদ্মে হয়ে অধিষ্ঠান

'স্বরূপ' দেখান তারে।

ভক্ত মনোহরা

পরাণ বিভোরা

ভক্ত ডাকে নানা নাম ধরি ॥

চণ্ড। তা বুললে আমাদের মহারাজও ভক্ত বটেন। তা  
মা বলে ডাকা তাঁর স্বভাব নয়। বলি—বলি কি, তিনি  
প্রেমের,—বুঝেছ ?

বলি, ভক্তি জিনিসটা ত একই বটে  
 উপর দিকে উঠলে বাবা, মা,  
 নিচের দিকে নামলে ব্যাটা ব্যোটা.'

আর মাঝামাঝি থাকলে? বলি সেটা কি আর বলে  
 দিতে হয়? এই ত তোমরা, তোমাদের এখন যে বয়স  
 —রূপ যেন ছল্ ছল্ করছে। তা এখন মনের কথাটা  
 তোমাদের কাছে খুলে বলি, আমাদের রাজাম'শায় তাঁর  
 জন্মে বড় 'হেদিয়েছেন'। তা তোমরা বড় ভাল!—  
 তোমাদের সঙ্গে আলাপ হয়ে প্রাণটা জুড়ুল। তা বলছিলুম  
 কি—মহারাজ এঁর জন্মে যা হেদিয়েছেন এমনটি আর  
 কখন কোন জন্মেও হয়নি। তা বাছা—তোমরা যদি দয়া  
 করে বল তিনি কোথার আছেন, আমরা তাঁর সঙ্গে দেখা  
 করি। আর তোমাদের কাছে 'কেনা, টেনা, গোলাম'  
 টোলাম, হয়ে—দুঝলে ত?

মুণ্ড। দাদা! কাজ অনেক এগিয়ে এলো, আর একটু হলেই  
 ষোল আনার কাছাকাছি হয়।

২য় উর্মিমলা। কোথা তাঁর দিবরে সন্ধান?  
 ব্যাপ্ত চরাচরে অনন্তরূপিনী;  
 স্থূল সূক্ষ্ম কারণের অনু-পরমাণু  
 সগুণা নিগুণা কভু ত্রিগুণ-ধারিণী;  
 জীব সঙ্গে নানারঙ্গে আনন্দে বিহরা  
 নিত্য লীলা রঙ্গালয়ে

হের ধ্যানযোগে ॥

মুণ্ড । দাদা বেটীরা ভাঁড়ালে । এক শালীর আঁচল্ খপ্ করে চেপে ধর,—ঠিক্ ঠাক্ সব মিলে যাবে । আমি একটু তফাতে যাই ।

মুরগুর প্রস্থান ।

চণ্ড । তবে রে শালী—স্বাকাম ?

( ধরিতে উদ্বৃত । উর্ধ্বমালাগণের অন্তর্দ্বাণ )

( সমুদ্রে পতিত হইয়া চণ্ড )

চণ্ড । ওরে ভাই রে, বাবা রে, মুণ্ড রে—কি ভীষণ তরঙ্গ রে । ওরে ও সর্কনাশী আবাগের বেটী.....তোর খোঁজে এসে ডুবে মরি রে—মা !

( তরঙ্গদ্বারা কূলে নিক্ষিপ্ত । উখিত হইয়া )

চণ্ড । বাবা ! কি টেউ ! হয়েছিল আর একটু হলেই মহা-রাজের পেয়ারের কলিজার খোঁজ !—তখন চণ্ডর খোঁজে লোক ছুটতো আর কি । খুব বেঁচে গেছি । দেখি মুণ্ড কোথা গেল । আবাগের বেটীকে দলকে দল ধাম্মাবাজ । ভোগা দিয়ে আমায় অকূল সমুদ্রে ফেলে হাবুডুবু খাওয়ালে । দাঁড়া শালীরে—আগে ধাড়ীকে ধরি, তারপর এক এক শালীকে ধরবো আর এমনি করে ( ভদিসহ ) অগাধ ঙলে ফেলবো—তখন বাপ্ বল, কি শালা বল, চণ্ড দাঁড়িয়ে দেখবে ।

[ সগর্বে প্রস্থান ।

পঞ্চম গর্ভাঙ্ক

দৃশ্য—কুম্বকানন

( জয়া বিজয়া ও মহামায়ার প্রবেশ )

মহামায়া ।

গীত

প্রেম গঠিত অঙ্ক

( আমি ) ধরাপরে সদা খেলি ;

সুখ দুঃখ বিকার কেবল

আমার 'চিদানন্দ' সনে কেলী ;

রূপ রস গন্ধ স্পর্শ

তাহে নাহি করি স্পর্শ,

আনন্দের সুখ স্পর্শে

কাটে সাধের দিন গুলি ;

প্রেমিক হুলে প্রাণ খুলে

মনের কথা তারে বলি ।

মহামায়া । দেখ জয়া,—মহারাজ শুষ্টের খুব প্রেম হয়েছে ।

জয়া । প্রেম না হলে কি প্রেমময়ীর দর্শন পায় মা ? প্রেম-  
ভরে প্রেমময়ীর দর্শন লাভ করেছে ।

মহামায়া । দেখ্‌ছিহ্‌ বিজয়া, আমি স্বইচ্ছায় দর্শন দিয়াছি ;  
জয়া বুঝতে পারলে না ।

বিজয়া ।

কে বুঝিবে বল তারা  
 “বোধ” শক্তি ষার ;  
 অতি ক্ষুদ্র জয়া তোর বিজয়া সনয়া ।  
 কারণ সলল যবে করি আলোড়িত  
 প্রকাশিলে মহেশ্বরী আপন বৈভব,  
 পঞ্চভূত ষথাস্থানে হয় নিয়োজিত,  
 তন্মাত্রৈব পঞ্চ ভাব সমষ্টি করিয়া ।  
 সূক্ষ্ম আসি সুল দেহ করিল ধারণ  
 ভাতিল অপূর্ব-জ্যোতিঃ জ্যোতিষ্ক-মণ্ডলে ।  
 স্তম্ভিত জগৎ মাগো সে ভাব নিরখি :  
 ‘ভুবনমোহিনী’ হেরি ‘পিতা’ মোহগত ।  
 ক্রিয়াহীন, যোগেশ্বরী, অগম্য-অপরা  
 “হ্লাদিনী”, নিজ ভাবে মগ্ন দিবা নিশি ;  
 কাতরে শরণাগত ভীত সুর-গণ  
 ত্রাহি ত্রাহি ধ্বনি ছুটে বিষ্ণু পদঃলে ।  
 ভক্তি মুক্তি প্রদায়িনী অচিন্ত্যরূপিনী !  
 কে বুঝিবে দয়াময়ী অনন্ত-প্রকৃতি ;  
 লক্ষ্যহারা কালশ্রোতে “তপঃ” করি দান  
 ব্রহ্মারে অভয়পদ দিলা নিজগুণে ।  
 সাধনার পথে মাগো প্রেমের বিকাশ  
 প্রেম-বলে শিবশক্তি অপূর্ব-মলিন ;  
 আত্মহারা সদানন্দ বিভোর যে ভাবে

মুখ মোরা দিবানিশি ত্রিভুবন সহ  
ছুর্গতিনাশিনী দুর্গে দীন-দয়াময়ী ।

( চণ্ডমুণ্ডের প্রবেশ )

চণ্ড । ( স্বগতঃ ) বাবা খুঁজে খুঁজে জান্ হায়রাণ । এই যে  
হেথায় । বাহবা, বাহবা ! দশ দিক্ আলো করে সখি সঙ্গে  
ফুল বাগানে । এদিকে মহারাজ ফুলশরে বিদ্ধ হয়ে, আন্-  
চান্ । ধড়িবাঙ্ক্ মেয়ে বটে । ( স্বগত ) একি ! একি  
দেখি ! দশ-হস্ত প্রহরণ-ধারিণী ষোড়সী, অলক্ষিতে আমায়  
যুদ্ধে আহ্বান করছে । মহারাজ বোধ হয় এ সব দেখতে  
পাননি । তা হ'লে প্রেমের সাধ পটকে যেত । আচ্ছা,  
মহারাজ যে বলেছিলেন শ্যামাঙ্গী কৌমারী,—ওমা ! আমাব  
কপালে ষোড়সী হেম-বরণা হ'ল ! হোক—যা ইচ্ছে হোক,  
আমার তাতে কি যায় আসে । মহারাজের আদেশ যে  
কোন প্রকারে বেটীকে তাঁর কাছে হাজির করা । ভালয়  
ভালয় ধরা দেন, উত্তম, না হয় কেষাকর্ষণ ( হস্ত প্রসারিত  
করিয়া )—উঃ ! এ কি অস্ত্রের খেলা ! চতুর্দিকে যেন  
অগ্নিবর্ষণ হচ্ছে । ( প্রকাশে ) মহামায়া ! এস শীঘ্র  
পশ্চাতে আমার । অতুল-বৈভব দোর্দণ্ড-প্রতাপশালী  
মহারাজ শুভ, তাঁহার কিঙ্কর আমি । চণ্ড মোর নাম ।  
আসিয়াছি লইতে তোমায় ।

মহামায়া । পণ মোর জানায়েছি রাজারে তোমার । নহ

'তুমি অবগত। যুদ্ধ মোর পণ। বিজয় পতাকা তব  
উড়িলে আকাশে, অবশ্য করিব তব পশ্চাদ্ গমন।

চণ্ড। ( স্বগতঃ ) না! ভালর কেউ নয়। ( প্রকাশে ) বলি  
আমার বিজয় পতাকা উড়বে কেন? তুমি মেয়ে মানুষ,  
জোর ধ্বজা উড়িয়ে বেড়াও। ( স্বগতঃ ) আবাগের বেটী  
—ইচ্ছা হচ্ছে এক ঘায় কেটে ছু'খান করি। তা কাটবো  
কি! ইনি আবার মহারাজের 'পেয়ারের'। ( প্রকাশে )  
মহামায়া! তবে কি যুদ্ধই স্থির? ( স্বগতঃ ) একি!  
একি হয়! দিব্য রত্নালঙ্কার শোভিত, ধনু-শর-যোজিত,  
অসি-চর্ম্ম-সমন্বিত, সজীব হস্ত সকল যুদ্ধে আহ্বান  
করিতেছে। রমণীর ভুজ-মৃগালে অস্ত্র! হাসি পায়,  
রাগে আপাদ মস্তক হইতে অগ্নি বহির্গত হইতেছে।  
ইচ্ছা হচ্ছে—অসি দ্বারা একে একে এক এক ঘায় হস্ত সকল  
নিম্মূল করি। ( প্রকাশে ) মহামায়া! তুমি নারী।  
তব সহ যুদ্ধে মোর পৌরুষ যায়। হেয় কার্ণে বৃথা  
কেন কর মোরে ব্রতী? এস সাধে—রাজার সমীপে,  
দৌহে করিব গমন।

জয়া। ( স্বরে ) তারা পরমেশ্বরী  
কখন পুরুষ তুমি মা,  
কখন ষোড়শী নারী।

চণ্ড। চূপ্ কর—আবাগের বেটী। এতেক মা মনসা—তায়  
ধনর গন্ধ দিচ্ছে। ( স্বগতঃ ) একবার এ বেটীকে হাত

কন্তে পাল্লে হয়,—দু'শালীকে ধরে নে গিয়ে আগে 'মহা-  
রাজের ঘোড়াশালের বাঁদী করবো, তখন কত নাচ গান  
বেরোয় দেখে নেব। (প্রকাশে) কি গো ঠাকুরগণ! কি  
ঠিক করলে? (স্বগতঃ) চুপকরে আছে,—বোধ হয়  
টোপ্‌টা গিলেছে।

মহামায়া! বার বার বিড়ম্বনা কেন কর ভোগ, সত্য কহি  
যুদ্ধ পণ মোর, বিনা জয়ে না যাব সংহতি।

চণ্ড। তবে নে,—দে সামাল্। বার কর তোর দশ বিশ  
হাত। (উচ্চৈঃস্বরে) রে মুণ্ড, ডাক সৈন্যগণ, মহাবেগে  
মার মহামায়া।

[ সৈন্যগণের প্রবেশ ও চণ্ড মুণ্ডের সহিত মহামায়াকে  
বাণ নিক্ষেপ করিতে করিতে প্রস্থান।

ষষ্ঠ গর্ভাক্ষ।

দৃশ্য—রণস্থল।

মুক্ত তরবারি হস্তে চণ্ড মুণ্ডের প্রবেশ।

চণ্ড। একি! কোথায় লুকাল বামা?

একা নারী করে রণ

চতুর্দিক সমাচ্ছন্ন হয় শরজালে,

নিমিষে—নিম্মূল যত বীর সৈন্যগণ



ছিন্ন ভিন্ন,—রক্ত-শ্রোতে ভাসিছে ধরণী ।

ঘন ঘন হানি শর,

গদাঘাত—প্রচণ্ড আঘাতে,

কিন্তু নাহি লাগে তার কায় ;

সকলি অমৃত হেরি !

যুগু । নহে এই সামান্য রমণী ;

ধেয়ে আসে ছায়া সম,

হয় পুনঃ স্কুলদেহী

এক অঙ্গে—ধরে বহু রূপ ।

কছু চতুর্ভুজ পুরুষ সুন্দর

শঙ্খ চক্র গদা পদ্ম-ধারী,

অগণিত সেনা লয়ে করে মার মার,

—কণ পরে হেরি পুনঃ বিভূজা কামিনী,

মুক্ত-কেশী—অসি-চর্ম্ম-করা,

হাস্তময়ী,—প্রফুল্ল-আননা ।

কিবা নাম,—কিবা রূপ, পুরুষ কি নারী

মর্ম্ম স্থির না পারি করিতে ।

কিন্তু মনে বুঝিয়াছি সার

—মহামায়া সহ রণে নাহিক নিস্তার !

ঐ ! ঐ দেখ—আসে মায়াবিনী ।

( বিভূজা অসি-চর্ম্মধারিণী মহামায়ার প্রবেশ ) ।

মহামায়া । চণ্ড যুগু ! করিয়াছ বিস্তর সংগ্রাম

হইয়াছে বহু সৈন্য ক্ষয়,

মান পরাজয় ;

—নহে, জীবন সংশয় জান ।

চণ্ড । পরাজয় মাগি লব রমণীর ঠাই !

হেন হেয় জন্ম—নাহি ধরে দৈত্যকুল ।

সমূলে নিশ্চূল শ্রেয়ঃ,

—পৃষ্ঠ প্রদর্শন কভু না দিব সংগ্রামে ।

তুমি নারী ! চা তুরীর সহচরী ;

তুচ্ছ ছল রবে কতক্ষণ ?

ক্লান্ত যদি মায়ারণে,—মান পরাজয়,

এস সাথে লয়ে যাই রাজন-সমীপে ।

মহামায়া । প্রতিজ্ঞায় বদ্ধ আমি, কহিয়াছি সবে

এখনও হয় নাই মম প্রতিজ্ঞা পূরণ ;

বৃথা আকিঞ্চন কেন কর আর,

অকারণ জীবন-বিনাশ হেতু ?

মুণ্ড । লয়ে যাব কৌমারী ললনা,

যত সৈন্য করিয়াছ নাশ

প্রতিশোধ ল'ব অশ্রু মতে !

দৈত্য-সভা করি আবাহন

নয় কিশোরীর রূপ দেখাব সকলে ।

মহামায়া । রে দুষ্ট ! ছন্নমতি হেয় দৈত্যগণ !

—পাপ দেহ কর ত্যাগ ।

( মহামায়া কতৃক অস্বাঘাত, চণ্ড মুণ্ডের  
অগ্নি দ্বারা আঘাত রোধ )

চণ্ড । রেখে দাও বীরপনা ।

দেহ রণ—বিলম্ব না সয় ।

(মুণ্ডেরপ্রতি) রে মুণ্ড সন্নিকটে আসিয়াছে নারী,

আয় নাশি দুষ্টা মহামায়া ।

মহামায়া । মৃত্যু অতি নিকট দৌহার ।

[ যুদ্ধ করিতে করিতে প্রস্থান ।

দূতের প্রবেশ ।

দূত ।

প্রাণ হীন যুদ্ধ ক্ষেত্র !

একে একে রথিগণ—অনন্ত শয়নে ;

কোথা গেল চণ্ড মুণ্ড বীর,

কোথা বা কামিনী ?

—গৃধিনী বায়স করে আনন্দের রোল !

ধন্য প্রেম-সাধ মহারাজ তব !

দৈত্যকুল বিনাশের হেতু ।

( চণ্ড মুণ্ডের দ্বিগুণ হস্তে মহামায়ার প্রবেশ )

মহামায়া । দূত ! লহ এই চণ্ড-মুণ্ড-শির—

সযতনে লয়ে যাও রাজন-সমীপে ;

প্রীতি করে দেহ তাঁরে,

ইহা মোর—প্রেম উপহার ।

[ মুণ্ডের রাধিরা মহামায়ার প্রস্থান

দূত । সর্বনাশী ! রাক্ষসী ! মায়াবিনী ! মহামায়া ! সব  
খেলে, সব সংহার করলে ।

[ ছিন্ন মুণ্ডেয় লইয়া অশ্বে দূতের প্রস্থান

সপ্তম গর্ভাঙ্ক

দৃশ্য—দৈত্যপুরী ।

[ পার্শ্বদ-বেষ্টিত সিংহাসনে শুভ নিশুভ ]

চণ্ড মুণ্ডের কাটামুণ্ড হস্তে দূতের প্রবেশ ।

দূত । . কি কহিব হে রাজন !—কথা না জুয়ায়,  
ভীত কম্পিত হৃদি—জড়িত রসনা ;  
ভীমা রমণী হেন দেখি নাই কভু ।  
হিমালয়-পরে—ধরে অষ্ট-ভূঙ্গা রূপ ;  
অষ্ট বজ্র ল'য়ে—তোজোময়ী উদ্ভাসিতা,  
দিগন্ত ব্যাপিয়া !  
জ্বলে বজ্র অনল সমান,  
কারণ-জলধি—প্রলয় কল্লোল  
ভীষণ গর্জন ;  
হু হুংকারে কক্ষচ্যুত হয় গ্রহ তারা ।

ত্র্যস্ত দিক পতি, নতি—  
 স্তুতি করে কর যোড় করি ।  
 মহাশূর মধুকৈটভ হত সেই রণে ।  
 পুনঃ ধরি রূপ দশভূজা—  
 সিংহোপরি শতদলাসনা —  
 ত্রিভুবন সহ—আসে ধেয়ে, সংগ্রাম মাঝারে ।  
 ধনুর টঙ্কার—শব্দ মার্ মার্,  
 অদ্ভুত অস্ত্রের খেলা গগন মণ্ডলে ।  
 অখণ্ড মণ্ডলাকারে সদা যুগ্মমান  
 —ভঙ্গ দৈত্যরাজ পলাইতে নাহি পারে ।  
 ছিন্ন ভিন্ন সৈন্যকুল—রক্তে ভাসে ধরা ।  
 শুষ্ক পত্র সম—গজবাজী উড়ায় নিশ্বাসে,  
 মহিষাসুর নিপতিত তায় ।  
 স্তব করে দেবতা মণ্ডলী  
 —পুষ্প বরিষণে রত দেবাস্তনাগণ,  
 বিজয় দুন্দুভি নাদে আনন্দের রোলে ।  
 মহাক্রোধে চণ্ড মুণ্ড ধায় অস্ত্র করে,  
 নিমিষে অদৃশ্য বালা—শূন্যোতে মিলায় ।  
 ক্রণ পরে আচম্বিতে অসি-চর্ম্ম-করা  
 শ্যামাঙ্গিনী মুক্তকেশী দৈত্যগণ মাঝে  
 মহাবেগে করে রণ ।  
 শ্বাস সনে

অগণিত সৃষ্ট সৈন্যগণ,—ভৈরব মুরতি জনে জনে ।  
 মা ভৈঃ ! মা ভৈঃ ! রবে—হানে শরজাল ;  
 ভৈরবী আকারে রণে নাচে উন্মাদিনী  
 —খণ্ড খণ্ড চণ্ড মুণ্ড নিমিষে করিয়া  
 জলদ গস্তীর স্বরে দস্ত ভরে—  
 কহিল আমায়—দৌহাকার মুণ্ডলয়ে  
 দেহ রাজ-করে ।  
 সবিস্তারে কহিবেক দৈত্য-পতি স্থানে  
 —ইহা মোর প্রীতি উপহার ।

[ কাটা মুণ্ডস্বয় স্থাপন

রাজা ।

দূর হও সম্মুখ হইতে,—  
 না পারি সহিতে আর নারীর বাখান ।  
 উচ্চ মান, বীর্য, যশ, গর্ব, অহঙ্কার,  
 সকলি হইল নাশ রমণী-সংগ্রামে !  
 ধিক্ !! শত ধিক্ মোরে !  
 যাক্ রাজ্য !—ছার খার সিংহাসন সহ,  
 হয় হোক—দৈত্যকুল সমূলে নির্মূল,  
 তিল মাত্র দুঃখ নাহি গণি তায় !  
 অতি সত্য কহি ( অসি নিষ্কাশণ পূর্বক ) কঠিন  
 করাল ভুঞ্জে জিঘাংসা কৃপাণে  
 নিশ্চয় নাশিব—সেই অমুরারি বামা ।  
 খণ্ডন যত্বপি হয় প্রতিজ্ঞা আমার,

তীক্ষ্ণ অস্ত্রাঘাতে

আত্ম বলিদান দিব—ভৈরবী চরণে ।

[ শুভের হৃৎধারণ পূর্বক নিশ্চ

নিশ্চ

স্থির হও মহারাজ, বাঁধ মন

প্রতিজ্ঞা নিগড়ে ।

মহা মায়াবিনী সে রমণী,

তার তুল্য মায়াধারী রক্তবীজ বীর ।

ব্রহ্মা বরে অমর সে বীরবর ।

আজ্ঞা দেহ তারে

সত্বর গমনে মহামায়া রণে ।

মায়াবণ করিয়া সৃজন

কৌশলে আনিবে হেথা

‘বিজয়া’ কামিনী ।

চূর্ণ হবে রণ সাধ তার,

চির দিন দাসী হয়ে বাঁধা হবে পায় ।

শুভ । কোথা রক্তবীজ ?

কেন নাহি দেখি তারে ?

সেও কিরে নিহত সমরে ?

( রক্তবীজের প্রবেশ )

রক্ত । ক্ষম অপরাধ দৈত্যপতি ।

সামান্য রমণী বলি উপেক্ষিয়া রণে

পাঠায়েছি চণ্ড যুগু শমন সদনে ।  
রাজদ্রোহী সম কর্ম হয়েছে আমার,  
দেহ দণ্ড মোরে দৈত্যপতি !

শুভ । ক্রান্ত হও বীরবর !—সত্য কহিয়াছ  
অতি তুচ্ছ রমণীর সহিত সংগ্রাম,  
তুচ্ছ জ্ঞানে, পাঠায়েছ দৌহে ।  
—এবে দেখি সত্য রণাঙ্গনা ।  
হে বীরবর ! ত্রিভুবনে তব সম আছে কোন্ জন ?  
বীর্যবান্, রণক্ষম, শূর মৃত্যুঞ্জয়ী ।  
ত্যজ ক্ষোভ, যাহ শীঘ্র সমর অঙ্গণে ;  
নিশ্চয় জিনিবে রণে মহা ‘মহামায়া’ ;  
ব্রহ্মা বরে অমর যে তুমি ।

রক্ত । হে রাজন্ ! তব বাক্যে ক্ষোভ অপগত,  
মায়াবিনী সে কামিনী কত মায়া ধরে ?  
বধিব তাহারে সত্য খুঁজি ত্রিভুবন ।  
সরল স্বভাবে যদি আসিয়া হেথায়,  
দীন সম পদে তব—লয় সে শরণ  
ক্ষমা দিয়া রণে,—স্নেহভরে আনিব কৌমারী ;  
বিদায় মাগিছে পদে দাস ।

শুভ । এস বৎস । দস্ত ভরে আন ধরি মহা মায়াবিনী ।

[ রক্তবীজের প্রস্থান ।



অবশ্য হইবে শূর অশুরারি জয়ী ।  
 অসৌম-বিক্রম—বীর রক্তবীজ শূর,  
 কেশে ধরি বিনাশিবে—সে কালসাপিণী ।

নিশুস্ত । চল যাই মন্ত্রণা আগারে  
 উৎসাহিত করিবারে সেনানী নিঃস  
 ধন। বীর্যাবতী রণাঙ্গনা !

[ উভয়ের প্রস্থান ।

অষ্টম গর্ভাঙ্ক

দৃশ্য—কুশুম-কানন

[ জয়া ঞ্জয়া সহ মহামায়া ]

গীত ।

হর, দিগহর                      ভোলা, মহেশ্বর  
 ত্রিপুর সুন্দর ত্রিপুরারি ;  
 জগত-পালন                      জগত জীবন  
 জগত-কারণ—বিশেষ্বর জটাধারী ।  
 ত্রিনয়ন তুলু তুলু              ডমরু নিনাথে,  
 বম্ বম্ বম্ বম্—শব্দে গাল বাজে  
 শিঙ্গা রব সমস্বরে শশান-বিহারী ।

[ সসৈন্তে রক্তবীজের প্রবেশ ]

রক্তবীজ । বলিহারি, ভেঙ্কিবাঙ্গ মেয়ে যাহোক । এই শুনি  
দশকর, প্রহরণ ধারিণী, চণ্ড মুণ্ড ঘাতিনী, আবার দেখি  
কুন্দুম-কাননে সখিসহ নৃত্য-গীতরতা কৌমারী । রকম  
বোঝা বড় শক্ত ।

যাহুকরী ! কত যাহু জান তুমি,—দেখিব এবার  
( স্বগতঃ ) মানস কমল ভেদি স্বয়ম্ভু উদ্ভব,  
—সেথা কোথা শক্তির বৈভব ?  
স্তবে তুষ্ঠ করি, বর পাই অমরত্ব ।  
দেখি—মোরে কেমনে সংহারে !

( প্রকাশে ) মহামায়া !—আসিয়াছি লইতে তোমায় ;  
আজ্ঞা মাত্র সাথে যদি না কর গমন  
—কেশ আকর্ষণ করি লইব নিশ্চয় ।  
জলে প্রাণ প্রতিহিংসানলে ।

মহামায়া । রণজয়ী হ'লে—তব যাইব সংহতি ।

রক্ত । অবশ্য করিব রণ ।

কিন্তু নহি আমি—সামান্য সেই চণ্ড মুণ্ড শূর !  
মহান্মখে করিবে বিনাশ ।  
ধরি নাম—রক্তবীজ বীর,  
মোর রক্ত-তেজ—তুমি নহ অবগত ।  
বিন্দু বিন্দু রক্ত মোর পড়িবে যথায়  
তথায় উঠিবে পুনঃ শত সম-শূর ।

মহামায়া । জানি আমি তাহা—বীর ।

রক্ত । জান তুমি ? অতি অসম্ভব কথা !

( স্বগতঃ ) আগম নিগম তন্ত্র—মৃগাল-কোরকে,

বেদ, বিধি, চতুর্মুখ চতুর্ভুজ-শোভা

বিরাজিত কমল আসনে,

—স্তবে তুষ্ট করি বর পাই অমরত্ব ।

কেমনে জানিবে তাহা—কোমারী ললনা ?

প্রতারণা কর মোর সনে ?

নিশ্চয় ঘুচাব আজি ছলনা যতেক ॥

( প্রকাশ্যে ) মহামায়া ! জান যদি অমর সে আমি,

তবে—মান পরাজয়,

এস সাথে, কর মোর পশ্চাৎ গমন ।

মহামায়া । বিনা জয়ে যাইব কেমনে ?

ধরি পণ দৃঢ়তর !

রক্ত । সকলি আশ্চর্য্য তব !

নিশ্চয় জানিছ মৃত্যু নাহিক আমার,

তথাপিও যুদ্ধ কর সাধ ?

হইয়া পুরুষ,—করি যদি নারী সহ রণ,

অতীব ঘৃণার কথা !

বিনা যুদ্ধে সংহার আমায়,

ধর অস্ত্র—কাটি পাড় মস্তক আমার ।

মহামায়া । দ্বি বিনা—না করি সংহার ।

রক্ত । অদ্ভুত ! অদ্ভুত প্রকৃতি তব !

মনে ভয় হ'য়েছে নিশ্চয়,  
—তেঁই নাহি কর অস্ত্রাঘাত ।

মহামাহা । ‘অভয়া’—আমার নাম বিদিত সংসারে ;

‘ভয়’,—মোর ভয়ে ভীত অনুক্ষণ ।

‘মহাকাল’ পতি মোর ।

কালের প্রভাব কোথা পাইবে রে স্থান ?

প্রেম ভরে—হৃদি পদ্মে ধরিয়া চরণ

শব সম শিব আহা শয়ান ভূতলে ;

ত্রিনয়ন ঢুলু ঢুলু—সদা আত্মহারা,

আমি কি ডরাই কভু বর-প্রাপ্ত জনে ?

রক্তবীজ । ( স্বগতঃ ) অতি সুন্দর দৃশ্য !

উলঙ্গিনী এলোকেশী, মুগ্ধমালা গলে

শিব বন্ধে স্থাপিত চরণ

ইচ্ছা হয়—বধি সেই রূপে ।

( প্রকাশে ) মহামায়া !

মহাকাল পতি যদি তোর—

তবে কেন ফিরিতেছ ভ্রমিয়া ভুবন ?

কুলাঙ্গনা-রীতি তুমি নহ অবগত ?

পতিব্রতা কুলনারী স্বামী-অনুগামী

—ক্রমে, নাহি ক্রমে অন্য স্থানে ?

মহামায়া । অবারিত গতি মোর ।

দেব নর যক্ষ রক্ষ অসুর দানব  
যখন যে ভাবে ডাকে—পায় দরশন ।

রক্তবীজ । সীমা নাই তোমার গুণের !

বৃথা কালক্ষেপ হয়—বৃথা বাক্য ব্যয়ে ;  
জলে প্রাণ জিঘাংসা অনলে ।

আয় রে রাক্ষসী—আয় সম্মুখ সংগ্রামে  
—আয় সর্বনাশী, আয় সম্মুখে আমার ;

ধরু অসি—দ্বিভুজে কিম্বা চতুভুজে—

সিংহোপরে করি আরোহণ

—কিম্বা পঞ্চ-প্রোতাসনা,

অথবা সে শব শিবোপরে—

যা হয় মনন তোর ;

আয় শীঘ্র,—বিলম্ব সহিতে নারি ।

তীক্ষ্ণ অস্ত্রে করি খান খান্,

আকণ্ঠ রুধির পানে মিটাব পিপাসা ।

[ মহামায়ার প্রতি অস্ত্র নিক্ষেপ, ও উভয়ের যুদ্ধ

রক্ত । ( স্বগতঃ ) কি আশ্চর্য্য ! নিস্প্রভ অস্ত্রের প্রভা ;

তেজে তেজোহীন ।

জ্ঞান হয়—মহাশূন্যে হইতেছে লয় ।

বিকট-দশনা, করাল-বদনা গ্রাসিছে সকল অস্ত্র ।

( প্রকাশ্যে ) এই তীক্ষ্ণ তরবারে করি খান্ খান্

দেখিব তোর কত বীরপণা । ( সৈন্যগণের প্রতি )

মার মার—কাট কাট মহামায়া ।

[ সকলে তরবারি হস্তে মহামায়াকে আক্রমণে উচ্চত ;  
মহামায়ার অস্তধ্বনি ; প্রকৃতি অন্ধকার ]

রক্ত । একি ! ঘোর অন্ধকার !!—কালবরণা  
বুঝি মিশিল অঁধারে ! কিম্বা সেই  
'করালিনী' ব্যাপ্ত চরাচরে । অন্ধকারে, অন্ধকারে,  
আচ্ছন্ন মেদিনী । ঘন মোহ অন্ধকার ॥

[ বজ্রনিদাদ বিশ্বয়ে রক্তবীজ

একি ঘোর বজ্রনাদ !

—ঘন ঘন অগ্নি বরিষণ ।

সৈন্যকুল পুড়ে ছার খার ;

কিস্ত মোর—নাহিক মরণ ।

ব্রহ্মা বরে রক্ত সনে অনন্ত জীবন ।

বিন্দু বিন্দু রক্ত সনে—কোটি কোটি রক্তবীজ ।

( উচ্চকণ্ঠে ) কোথা ! কোথারে রাক্ষসী ?

কোথা তুই তিমির-বরণা । আয়, আয়,

শীঘ্র আয় সম্মুখ সংগ্রামে । আয় কাছে

উলঙ্গিনী অসি-চর্ম্ম-করা ।

শবাসনা লোলরসনা, 'বরাভয়'-করা,

নর-করে-কটি-শোভা, মুণ্ডমালা গলে

ডাকিনী, যোগিনী, পিশাচ সঙ্গিনী সহ—

অটু অটু হাস, দিক্ সুপ্রকাশ,— তিমিরে

তিমির নাশি আয় শীঘ্র গতি ।

মারি কিম্বা, আজি মরি, নিশ্চয়—

নিশ্চয় প্রতিজ্ঞা—মোর ॥

[ ডাকিনী যোগিনী, ভূত প্রেত সহ শ্রীশ্রীকালীরূপে  
মহামায়ার প্রবেশ ও ভূত প্রেতের নৃত্য ]

ভূত প্রেত । হা হা হা—হি হি হি—

হিলি হিলি হিলি—

কিলি কিলি কিলি—

হঁ হঁ হঁ—হাঁউ হাঁউ,

খাব, খাব,—রক্ত খাব,

—মড়ার মাথায় খেলবো ভাঁটা,

চিবিয়ে খাব হাতটা, পা'টা,

নাড়ি ভুঁড়ি দাঁতে ছিঁড়ি,

—ছিড়ি ছিড়ি ছিড়ি

হি হি হি (হাস্য) হি হি হি । (হাস্য)

রক্ত । সত্য বটে করালিনী !

লোল রসনা বিশ্বগ্রাসী করাল বদনা ;

ঘন অন্ধকার—লাগে চমৎকার

বিকট ছন্দার তাহে,

পদ ভরে কম্পিত দেদিনী,

নিশ্বাসে অশনি পাত ।

( মহামায়ার প্রতি ) সত্য তুই মহা মায়াবিনী ।

অতি সত্য,—মন প্রাণ হরা ।

কিন্তু আর তোর নাহিক নিস্তার  
মহা গদাঘাতে তোরে করিব নিশ্চল,  
কর রক্ষা বিতীষণ-কায় । ( মহাবেগে গদাঘাত )

( মহামায়া বর্জুক শিরশ্ছেদ ও ডাকিনী যোগিনী সহ ক্রধির পান )

[ চতুর্দিক আলোকিত ও পুষ্পবৃষ্টি ]

দেবগণ, নরগণ, নারদ, ও মহামুনি মার্কণ্ডের প্রবেশ ও সকলের  
দ্বারা সমস্বরে শ্রীশ্রীকালীকা স্তব ।

স্তব ।

নমস্তে কালীকে করাল বদনী,  
নমঃ নর-মুণ্ডমালা-ভূষণ ধারিণী,  
রণাঙ্গনা ত্রিনয়নী,—তারিণী,  
জয় কালীকে, জয় কালীকে, জয় কালীকে ।  
নম শক্তিগে, চণ্ড মুণ্ড ঘাতিনী,  
ক্রধির দশনা,—রক্তবীজ নাশিনী,  
নমঃ মহামায়া ত্রিলোক-পাবনী  
জয় কালীকে, জয় কালীকে ।  
নমঃ দশভূজা মহিষাশূর-মর্দিনী—  
দেবী ভগবতী কল্যাণ দায়িনী,  
নমঃ নমস্তে—ত্রিভুবন জননী  
জয় কালীকে, জয় কালীকে, জয় কালীকে ।

মার্কণ্ড । মাগো ভগবতী ! ভয়ঙ্করী রূপ সম্বরণ কর, মা !

তোমার করালিনী-মূর্তি দর্শনে ত্রিলোক কম্পিত  
হইতেছে । [ মহামায়ার ঈষৎ হাস্য ও অহর্দান

[ পটক্ষেপ ]



## চতুর্থ অঙ্ক

প্রথম গর্ভাঙ্ক ।

[ দৃশ্য—শ্মশান ] ।

ভৈরব তৈরবী বেশে হর পার্বতীর প্রবেশ ও উভয়ের গীত  
উভয়ে ।

যে জন আত্মতত্ত্ব জানে                      সে ত আশ্রয় চেনে,  
চেন! জানা থাকে জগত-সংসার ।

‘মায়া’ আবরণ                                      করি উন্মোচন,

রূপ দর্শন করে এক-আকার ॥

মোহবশে হ’লে—ভ্রান্ত, পথ হারা,

অমৃত আশ্বাদ—নাহি পায় তারা,

‘অহং’ মদে মত্ত—হয়ে ‘আত্ম’-হারা,

হারা হই আমি—চির আপনার ॥

শাস্ত্র তন্ত্র মন্ত্রে—আমি পূর্ণ শশী,

ভোগ বাসনায়—আমিই দুঃখ রাশি,

ভক্তি সাধনায় সদানন্দে ভাসি,

প্রকাশিত শুদ্ধ হৃদয় মাঝারে ॥

পার্বতী ।                      পশুপতি !

মদ গর্বে—অন্ধ দৈত্যরাজ ।

দূতরূপে যাহ প্রভু, রাজন্ সমীপে,

কহ তারে, সবিস্তারে—  
 রত বীজ নিধন-বারতা ।  
 স্বর্গ, মর্ত, রসাতল, করি অধিকার—  
 প্রচণ্ড দান্তিক শূর, শুস্ত ও নিশুস্ত  
 আপনারে করে জ্ঞান ত্রিভুবন-পতি ;  
 দেবগণ নাহি পান যজ্ঞ-হবির্ভাগ,  
 —ভোগে রত দানব সকল ।  
 ইন্দ্রপুর—নীরব শ্রীহীন ।  
 বিনা বিশ্বপতি—  
 ত্রিলোক পালনে ক্ষম,  
 কেবা আছে, প্রভু ?  
 স্বর্গ রাজ্য অধিকারী সহস্র লোচন ।  
 আজ্ঞা দেহ দৈত্য রাজে,  
 স্বর্গলোক ফিরাইয়া দিতে তাঁরে,  
 অন্যথা না করে কভু—মোর এ আদেশ ।  
 মহাদেব । দেবী ! যাব তব প্রীতি লাগি  
 দৈত্য পতি স্থানে ,  
 কিন্তু প্রিয়ে না পারি বুঝিতে  
 কিবা ভাগ্য ধরে দৈত্য শুস্ত ও নিশুস্ত ?  
 দেবী ! মহাশক্তিরূপা !  
 কটাক্ষে তোমার—সৃষ্টি স্থিতি প্রলয় উদয়,  
 —হেন আকিঞ্চন হেরি কিসের লাগিয়া ?

পার্বতী । ভোলানাথ !

—ভুলেছ কি বৈকুণ্ঠ ভুবন !

মর মাঝে দেহীর আকারে

পেয়েছ কি জীবের প্রকৃতি ?

হয়েছ কি আত্মতত্ত্ব হারা ?

জয় ও বিজয় আহা ভক্ত দ্বারী দ্বয়

ঋষি শাপে—দৈত্যকূলে পতন জনম ।

কাতরে কাঁদিল যবে—রাখ নারায়ণ,

নিষ্কণ্ঠে বলেছিলে—হে করুণা-নিধি,

যাব আমি মর মাঝে ।

—শিব শক্তি করিয়া প্রকাশ

দৈত্যরূপী ভক্ত দোহে করিব উদ্ধার ।

—তেঁই প্রভু অস্ত্র ধরি করে

করি নাশ দানবীয় চমু ।

মহাদেব । শক্তি প্রেমে সঙ্গ মগ্ন আমি

নিরখিয়ে মহামায়া অনন্ত বিরাট

আত্মতত্ত্ব না থাকে স্মরণে ।

‘দ্বৈত’-ভাব অপগত তার ।

প্রেমময়ী ! প্রেমবলে দৌত্য কার্যে

ব্রতী উমানাথ,

একান্ত জানিহ কাস্তা —চির দাস আমি !

ভগবতী । প্রেমের আধার দেব অনন্ত পুরুষ,

ত্রিলোকের সর্বশ্রেষ্ঠ মহান্ সম্পদ  
 অখণ্ড, অজর, ব্রহ্ম—সর্বশক্তিমান  
 উপমায় উপমেয় ব্রহ্ম নিরূপণ ।  
 প্রকটিত নিজ শক্তি 'মহাশক্তি' রূপা ;  
 নারী আমি, ইচ্ছায় তোমার,  
 নিজ প্রেমে,—প্রেমভরে দাস্ত্যভাব তব .  
 —“দ্বৈত” ভাবে মধুর মুরতী  
 অতুল সম্পদ, ধর বক্ষে ধরণীর।  
 দাসী আমি 'শিব-দূতী'  
 —কি কব অধিক ।  
 এস নাথ—যাই দৌহে কৰ্ম সাধনায় ।  
 মহাদেব । চল দেবী—ইচ্ছাময়ী আনন্দ-দায়িনী ।

[ উভয়ের প্রস্থান ।

দ্বিতীয় গর্ভাঙ্ক ।

দৃশ্য—দৈত্য সভা ।

মধ্যস্থলে সিংহাসনে শুভ ও নিশুভ ।

শুভ । রক্তবীজ মহা মায়াধারী—

পাঠায়েছি বীরবরে মায়ার সংগ্রামে ;

রক্তবীজ সহ রণে—পরাজিত হইবে নিশ্চয়

‘ভুবনমোহিনী’ নারী, সে ‘অপরাজিতা’ ।  
 চণ্ড মুণ্ড-বিনাশিনী চামুণ্ডা-রূপিনী  
 এইবার হবে ‘নিরাকারা’ !  
 পরিতুষ্ট হবে চিত্ত—‘বিজয়া’-বিজয়ে  
 —আদরে ধরিব বক্ষে নারী-শিরোমণি ।

(নিশ্চেষ্টের প্রত) কহ ভ্রাতঃ—মোর বাক্য

কিবা লয় মনে ?

নিশ্চেষ্ট ।

সংশয় দোলায়,—মন দোলে অনুক্ষণ,

নহে স্থির ক্ষণিকের তরে ;

পুনঃ পুনঃ যত আশা হয় জাগরিত

ধীরে, ধীরে,—মিশে নিরাশায় ।

তিলে তিলে—হয় আয়ু ক্ষীণ

শক্তি হীন ;

জনম আচ্ছন্ন হেরি—মৃত্যু আবরণে ।

জ্ঞান হয়—নারীর আকারে,

সম-কাল বিস্তৃত সংসারে,

অনাদি কালের সনে ‘মায়া’ বিরাজিত ।

হে রাজন্ ! না পারি করিতে স্থির

দীন মতি আমি ।

[ দূত বেশে শিবের প্রবেশ ]

শিব ।

অবধান কর দৈত্য-পতি,

‘শিব-দূতী’-দূত—আমি ।

পাঠায়েছে দেবী মোরে  
 বর্ণিবারে,—রক্তবীজ মহামায়া ভুমুল সংগ্রাম ।  
 কায়া, মায়া, ছায়া, লয়ে—করে মহারণ  
 —নহে ক্ষান্ত দিবস সর্বরী ।

সমরে সোসর দৌছে ।  
 অস্ত্রে অস্ত্রে হানা হানি—শব্দ ভয়ঙ্কর ।  
 শরজালে আচ্ছন্ন মেদিনী ;  
 তুল্য বীর বীরাননা—সংগ্রাম মাঝারে ।  
 মহাশক্তি মহাক্রোধে করে—অস্ত্রাঘাত  
 —রক্তবীজ ক্ষত অঙ্গে বহে রক্ত ধারা,  
 বিন্দু বিন্দু রক্ত সনে, কোটি, কোটি—  
 হয় রক্তবীজোদয় ।

শূরশণ অস্ত্রাঘাত—করে দেবী কায়,  
 কিন্তু দেবী অক্ষত অটল ।  
 দুর্দম অশুর হেরি ভীত সুরগণ  
 নানা মত স্তব করে ‘অভয়ার’ পদে ।  
 —বিজয় উল্লাসে নাদে দানবীয় সেনা ।  
 হেনকালে অকস্মাৎ লুকাল কামিনী  
 তিমিরে আচ্ছন্ন হ’ল—অবনী আকাশ,  
 —ত্রাসেতে কম্পিত যত জগতের জীব,  
 মহামৃত্যু হেরিয়া সম্মুখে ।  
 মুহূর্ত্তে শ্রবণে পশে অটু—অটু হাস

হাস্ত ঘোর রোলে—কম্পিত ভুবনত্রয়,  
 —হ'ল জ্ঞান প্রলয় নিকট ।  
 অঁধারে অঁধার ভেদি—মহাভয়ঙ্করী,  
 শবাসনা, নৃমুণ্ড-মালিনী  
 লোল-জিহ্বা, লক্ লক্, ঝকে চতুর্দিকে,  
 বিশ্বগ্রাসী করাল-বদনা,  
 —আবিভূতা সংগ্রাম মাঝারে ।  
 কোটি কোটি রক্তবীজ রক্ত করি পান  
 —রুধির দশনা দেবী, দানব-ঘাতিনী,  
 অভয় প্রদানে রত দেবতা মণ্ডলে ।  
 —‘মহাকালী’ বলি স্তুতি করে দেবগণ ।  
 রক্তবীজ নিধন কারিণী রমা !  
 মহাগর্বে আদেশিল, অমোঘ আদেশ  
 —দিতে ফিরাইয়া ইন্দ্রে স্বরগ-ভুবন ।

( দৈত্যগণ ও শুভ-নিশুভ মহাক্রোধে উখিত হইয়া )

শুভ ।

মার, মার,—দেবী-দূতে  
 ঘেরি চারিভিতে,—দেহ হানা,  
 নাহি যেন পলায় বর্ষর ।  
 নাশিয়াছে, সর্বনাশী,—রক্তবীজ বীরে,  
 পাঠায়েছে দূতে ।—ইন্দ্রে দিতে স্বর্গধাম !  
 দাও স্বর্গ—অঙ্গ-মুখে ।

সকলে । মার, মার, দেবী-দূতে ।  
 মার, কাট, মার, মার ।

[ মহাদেবের প্রতি বাণ নিক্ষেপ

( মহাদেবের বদন বিস্তার করতঃ বাণ ভঙ্গ )

নিশুস্ত । মহারাজ ! নহে এই দূত,  
 নিশ্চয় সেই মায়াবিনী !  
 সংহারিয়া রক্তবীজ বীরে,  
 ধরিয়াছে পুরুষ আকার ।  
 রজত-ভূধর সম অটল অচল,  
 —গ্রাসে অস্ত্র বদন বিস্তারি ।  
 অথবা আপনি শঙ্কর—  
 আসিয়াছে দূতরূপে ।

শুস্ত । উপাড়হ জটাজাল  
 নাহি দেহ ক্ষমা,  
 —শঙ্কর শঙ্করী নাহি জানি,  
 রক্তবীজ নিহত সমরে ।  
 মহাশঙ্ক—মার, মার, দূতে ।

সকলে । মার, মার, কাট—দে হানা, দে হানা ।

[ মহাদেবের প্রতি অস্ত্রক্ষেপ করিতে করিতে সকলের প্রশ্নান ।



তৃতীয় গর্ভাক্ষ ।

[ দৃশ্য—প্রান্তর, প্রকৃতি রক্তবর্ণ ] ।

রাজা ।

উন্মুক্ত তরবারি হস্তে রাজা শুভের প্রবেশ ।

রক্ত ! রক্তবর্ণ !—চতুর্দিক লাল ।

রক্তবীজ, রক্ত পান করিয়া উল্লাসে,

রঞ্জিত প্রকৃতি আছি,

—নাহি আর কাল-বরণা ।

অনন্ত আকাশ লাল,— লাল ভূমিতল

অনু পরমাণুময়, দেখি রক্ত বীজ ।

যেন রক্ত শ্রোতে—ভাসে ত্রিসংসার,

মেদ অস্থি চর্ম্ম মাঝে ।

শিরা বনা মজ্জা সনে,—শক্তি করে খেলা,

ঈড়া পিঙ্গলা সুষুমা, ত্রিগুণ ধারিণী ।

স্বস্তঃ রজঃ তমঃ সনে জড়িত নিয়ত,

মন বুদ্ধি অহঙ্কার ।—কে বা এ সকল ?

দ্বাদশ আদিত্য যেন—নয়নে আমার ?

শব্দ স্পর্শ গন্ধ রস করিছে গ্রহণ ।

হায়, হায়—এ বা কোন্ জন

পঞ্চ 'কোষ' মাঝে,—সদা জড়িত রয়েছে ?

কি হল ! কি হল !

বুঝি মস্তিষ্ক বিকার !—কই, কোথা গেল ?

কিছু নাহি আর,—শূন্য ! শূন্য !

মহাশূন্য ! অনন্ত আধার,—সব শূন্যাকার ।  
হায় ! হায় ! রক্তবীজ হয়েছে সংহার  
ব্রহ্মা বর ব্যর্থ, হায়, নারীর সংগ্রামে ।

[ নতমস্তকে রোদন

সৈন্যগণের প্রবেশ ।

১ম সৈন্য । মহারাজ ! এখানে নতমস্তকে রোদন কচ্ছেন ।

( রাজার প্রতি ) মহারাজ ! দীন সৈন্য মোরা ।

ব্যথিত হৃদয় প্রভু হেরিয়া রোদন ।

তাজ শোক দৈত্যপতি,— চল যাই রণে ।

রক্তবীজ রক্ত শোধ লইব নিশ্চিত,

অবশ্য হইব জয়ী । মহা-মায়াবিনী—

তীক্ষ্ণ অস্ত্র করে—ভেটিব সমরে,

মহারাজ সহায় মোদের,

বিলম্ব না সয় প্রভু !

চল— ত্যজি শোক ।

শুভ ।

না, না, শোক দুঃখ আর না করিব

কোথা ! কোথা ! কোথা সেই

মহা-অরি কৌমারী শ্যামাঙ্গী ?

—অহো ! নাহি আর শ্যাম অঙ্গ

—রক্ত ! রক্ত ! রক্তবর্ণ !!

রুধিরের ধারা ! রক্ত চতুর্দিক !

মারু মারু, কাট্ কাট্, — লালবর্ণ !

এস, এস, শত খণ্ডে খণ্ড করি,—করি-শ্বেতকায় ।

[ শূণ্ডে অস্ত্রাঘাত

না, না,—লাগিল না কায়,

ঐ,—ঐ যায়, ছুটিয়া পালায় ।

চরণে নূপুর বাজে ;

এস,—শীঘ্র সংহারিব গদার আঘাতে ।

[ সৈন্যসহ বেগে প্রস্থান

চতুর্থ গর্ভাক ।

[ দৃশ্য—মরুভূমি ]

গদা হস্তে ধীরে ধীরে রাজা গুপ্তের প্রবেশ ।

রাজা ।

একি, এসেছি কোথায় ?

হেথা কোথা কপালিনী ?

মরুভূমে মরীচিকা, জন-প্রাণিহীন

তৃষ্ণায় আকুল প্রাণ ।

বিন্দু বারি—কোথাও না হেরি ;

তৃষানলে ছারখার হোক যদি বন্ধ ।

ঐ,—ঐ আসে । কোথা শুনি নুপুর-গুণ্ডন !

না,—না,—অস্ত্র বন্ধানি,

ঐ আসে,—ঐ আসে,—রক্তবস্ত্র পরিধানা

বালার্ক-সদৃশী তনু—

শঙ্খ চক্র গদা পদ্য ধরা ।

মার্ মার্ মার্ মহামায়া

[ গদা হস্তে বেগে প্রস্থান

সশস্ত্র সৈন্যগণের প্রবেশ ।

সৈন্যগণ । মার্ কাট্, মার্ কাট্, দে হানা, দে হানা ।

[ পরস্পর অস্ত্রাঘাত করিতে করিতে প্রস্থান

পঞ্চম গর্ভাঙ্ক ।

[ দৃশ্য — গভীর অরণ্য, প্রকৃতি সন্ধ্যা ] ।

শরষোজিত ধনু হস্তে ধীরে ধীরে রাজা শুভের প্রবেশ

শুভ ।

অদ্ভুত, অদ্ভুত,

সকলি অদ্ভুত !

ছিল স্থান মরুময়

নিমিষে মিলায়

ভোজ বাজী প্রায়,

গভীর অরণ্য পুনঃ ;

বিকট গর্জনধ্বনি—কম্পান্বিত বনভূমি ;

ঐ আসে, ভয়ঙ্করী বারাহী-রূপিণী,

দস্তাঘাতে বিদারী মেদিনী

খণ্ড খণ্ড করি ক্ষীণিতল ।

শরে করি শত শত ছিদ্র.

বিনাশিব বিকটা দেহীরে । [ ঘন ঘন শর তাগ

[ মহামায়ার বারাহী মূর্তিতে প্রবেশ ও অন্তর্ধান ] ।

শুভ্র ।

ঐ, ঐ উঠে, মহাশূন্যে ধায়,  
কোমল চরণ ঐ শোভিত নূপুবে ;  
কাট্ কাট্. কোমল চরণ.  
অলঙ্কৃত রঞ্জিত পদ—পাড়্ ভূমিতলে ।

[ বেগে প্রস্থান

ষষ্ঠ গর্ভাক্ষ ।

[ দৃশ্য—প্রাস্তর, কাল দ্বিপ্রহর ] ।

রাজা শুভ্রের ও সৈন্যগণের প্রবেশ ।

রাজা ।

লুকাইল বারাহী আকার,  
নাহি সন্ধ্যা—গহন কানন আর,  
প্রচণ্ড, মার্ত্তণ্ড তেজে দীপ্ত সমুদয় ;

(সিংহার গর্জন) ঐ শুন, ঐ শুন, ভীষণ গর্জন ।

১ম সৈন্য ।

সত্য মহারাজ, ইহা সিংহীর নিনাদ ;  
শূন্য চারিধার, কোথাও না দেখি কিছু ।

রাজা ;

( উর্ধ্বে দেখিয়া )

ঐ দেখ, ঐ দেখ, অনন্ত আকাশে,

ঐ দেখ, নারসিংহী - আধ নারী দেহ ;  
 উর্ধ্ব সিংহীকায়,—লাগে চমৎকার,  
 তেজোহীন দিবাকর, কেশর প্রভায়—  
 তিলে--তিলে, বাড়ে সিংহী ভীষণ আকারে ।  
 নিমিষে নিমিষে দেখ অতি মহাকায়,  
 হের ক্রোধে রক্তবর্ণ অঁাখি ;  
 বিশ্ব-গ্রাসে : দেখি—  
 মহাক্রোধে সংহারিতে আসিছে আমায় ।  
 তীক্ষ্ণ শরে নাশ ! নাশ !!  
 নারসিংহী—মহামায়া !

[ সৈন্তসহ ঘন ঘন শরাঘাত

[ নারসিংহী রূপের আবির্ভাব ও অস্তর্ধান ]

রাজা ।

পলায়, পলায়—ঐ যায়, ঐ যায়—  
 অতিবেগে ছুটে যায় অনন্তে মিশিতে ।  
 মার, মার, কাট, কাট—নারসিংহীকায় ।

[ সৈন্তসহ শরধনু হস্তে বেগে প্রস্থান

দৃশ্য—কুম্ব কানন

জয়া বিজয়া সহ মহামায়া ।

জয়া ।

মা ! মোহে অন্ধ দৈত্যগণ—  
 ধন মদে মত্ত সদা,  
 হিতাহিত জ্ঞান তাহে স্থান নাহি পায় ।  
 ফণি-শিরোমণি—করিয়া কামনা

প্রাণ দেয় জনে জনে,  
 বিবিক্ষু পতঙ্গ যথা অনল সঙ্গমে ।  
 মহামায়া । জয়া ! অবিছা প্রভাবে অক্ষ,  
 মুগ্ধ দৈত্যগণ ।  
ভক্ত বিনা নাহি রয় ধরণীর শোভা ;  
 যুগে যুগে রঙ্গে,—খেলি ভক্ত সঙ্গে  
 আকর্ষিতে ভক্তি-পথে কায় মন প্রাণ ।  
 'ত্যাগ,' 'যোগ,' এক সাথে সংসার নিয়ম ;  
 — অনিয়ম, প্রচণ্ড আকারে ঘেরিয়াছে সব দিক্ ।  
 জগত-আধার প্রভু দেব জগন্নাথ  
 — কছু তাঁকে না করে স্মরণ ;  
 “অহং-কর্তা”, এই মতে রত দৃঢ়তর ।  
 মায়ার প্রভাবে,—মোহ করিবারে দূর,  
খেলি আমি হেন খেলা, আপদনাশিনী ।

( নিশ্চেষ্টের প্রবেশ । )

নিশ্চেষ্ট । কই ! হেথা কোথা মহারাজ শুভ,  
 আহা ! তীক্ষ্ণ অস্ত্র করে  
 উন্মত্তের প্রায়  
 লক্ষ্যহীন, চতুর্দিকে ধায়—  
 মুখে শব্দ শুধু মার্ মার্ ॥  
 ত্রিভুবন একচ্ছত্র রাজত্ব যাঁহার  
 ইচ্ছামাত্র হয় সর্ব কৰ্ম সম্পাদিত ;

মহারথ শূরগণ ছিল পার্শ্বচর,  
 হায় ! হায় ! তিনি আজি পথের ভিখারী !  
 মণিময় পালঙ্কেতে সুখেতে শয়ান,  
 সুশোভনা নারীগণে সেবিত চরণ,  
 অঙ্গুরা কিন্নরী গীতে নিদ্রা, জাগরণ,  
 প্রেমের মত্ততা হেতু সব বিলোপন ?  
 ধন্য প্রেম সাধ ! ধন্য প্রেম তুমি !  
 রাজ্যেশ্বরে করিয়াছ আত্মস্থান চ্যুত ।

(স্বগতঃ বিস্ময়ে) একি ? এই ত সেই মহামায়া !

অমিত বিক্রমে যত শূরগণে নাশি,  
 অলস, বিলাসরত, কুমুম কাননে  
 —সরলা কোমারী রূপে,  
 রঙ্গে সখি সহ ।

ধন্য নারী,—ধন্য তোর মোহিনী শক্তি !

( প্রকাশ্যে ) মহামায়া ! দেখেছ কি রাজারে মোদের ?

কহ সত্য—সত্য করি

রাখিয়াছ লুকায়ে কোথায় ?

মহামায়া ! মহাশয় ! মহারাজ-তত্ত্ব আমি নহি অবগত,

মহানন্দে সখি সহ যাপিতেছি দিন ॥

নিশুভ্ত ।

নয়নে ঢালিয়া তার রূপ মদালস

অদীর করিয়া প্রাণ, প্রাণ-হস্তী ঐ —

‘আত্ম’-সুখে দাঁড়াইয়া ‘আনন্দ’-প্রতিমা



‘আত্ম’-ভাবে মগ্ন দিবানিশি ।  
 ধিক্ ! তোরে ‘অচিন্ত্য-রূপিনী,’  
 শত’ শত ধিক্ তোরে—পাষণ হৃদয়ে,  
 কোটি কোটি ধিক্ তোরে মায়ার লীলায় ॥  
 কিন্তু স্থির জেন মনে  
 পড়িয়াছ আজি তুমি নিশ্চিন্ত সম্মুখে ।  
 জিজ্ঞাসি তোমায় ; কহ সত্য করি  
 যাবে কিনা মোর সাথে  
 ভজিতে রাজ্য ?

মহামায়া । জানায়েছি মহারাজে করিয়া মিনতি  
 বিনা যুদ্ধ জয়ে তাঁর না হইব দাসী ।

নিশ্চিন্ত । আজি তোরে ঘুচাইব  
 সব যুদ্ধ সাধ ।  
 মহামায়া ! পুনরপি সুধাই তোমায়  
 মহারাজে যদি তব নাহি প্রীতি হয়  
 বর-মাল্য দেহ মোর গলে,  
 বীর শূন্ত ভ্রাতা আমি,—অজেয় নিশ্চিন্ত !

মহামায়া । করিয়াছি পণ দৃঢ়তর  
 অগ্রে মম সহ রণে, হও রণজয়ী  
 বিজয় কুমুমমাল্য দিব কণ্ঠে তব ॥

জয়া । মা ! বামন হইয়া যাচে অকলঙ্ক শর্শী,  
 হেন স্পর্ধা কোন গুণে ধরে দৈত্যগণ ?

মহামায়া । . জগত সন্তান মোর ;  
 নিয়ত ষাচিছে মোরে নানা-মত ভাবে ;  
 দাস্য, সখ্য, প্রেমভাব মধুর মুরতি,  
 নাহি স্থান অসুর হৃদয়ে ;  
 সর্বক্ষণ অরিরূপে ভজে দৈতাগণ ॥

নিশুস্ত । নাহি চাহি সখ্য ভাব ; কুসুমের মালা,  
 জিঘাংসা যাতনা জ্বালা ; সত্য অরি তুই  
 ধর অস্ত্র যাহা ইচ্ছা চিতে,  
 শীঘ্র মোরে দেহ রণ ( অসি নিষ্কাশণ পূর্বক  
 বিলম্ব না সহে আর ।  
 সর্বনাশি ! ঘুচাইব আজি তোর  
 সৃষ্টি স্থিতি প্রলয়ের খেলা ॥  
 রাক্ষসি ! রক্তবীজ-নাশিনি,  
 চণ্ড মুণ্ড ঘাতিনি—ভয়ঙ্করি !  
 সখি সহ—হও খণ্ড খণ্ড ।

( ক্রোধে অজ্ঞাঘাত, মহামায়ার সখিসহ অস্ত্রধর্নি )

নিশুস্ত । ঐ ! ঐ যায় ! ঐ ধরি রূপ চতুর্ভুজা  
 গজসিংহ আরোহণে  
 শঙ্খ চক্র গদা পদম করে ;  
 কাট্, কাট্ চতুর্ভুজা, মার্ মার্  
 মহামায়া ।

[ বেগে প্রস্থান

( সৈন্যগণের প্রবেশ ও মার্ মার্ কাট্ কাট্  
 করিতে করিতে প্রস্থান । )

দৃশ্য—গদা

প্রকৃতি উষাকাল ।

গদা স্বল্পে ধীরে ধীরে রাজা শুভ্রের প্রবেশ ।

রাজা ।

আস্তে ! আস্তে ! অতি ধীরে, ধীরে,

রক্ত ; ঐ বক্তবর্ণ ভাতিল গগনকোলে

--সহ জ্যোতিঃ-প্রভা ।

অখণ্ড মণ্ডলাকারে ব্যাপ্ত চরাচর ;

দীপ্ত সমুদয় ।

অণু পরমাণু বেষ্টিত, জীবন্ত রুপিণী ॥

দূরে, অতি দূরে

পরশ নাহিক পাই ।

স্নেহ, প্রেম, বিবর্জিত মর্ন্যাহত আমি ॥

অহো কোথা ?—কোথা সেই

সর্বগ্রাসী 'মায়া' ?

( উচ্চকণ্ঠে )

কোথা কোথা তুই, গর্বনাশি !

আয় কাছে আয় শীঘ্রগতি

আনন্দে নাশিব আজি প্রাণের উল্লাসে ॥

( সৈন্যগণের প্রবেশ )

সৈন্যগণ ।

অগ্নি ! অগ্নি ! চতুর্দিক দেখি অগ্নিময় ;

গেলুম, গেলুম—পুড়ে মলুম, পুড়ে মলুম,

মহারাজ রক্ষা কর, মহারাজ রক্ষা কর ।

[ সৈন্যগণের পতন ও মৃত্যু ]

রাজা ।

এঁকি দেখি ! সব সৈন্য হারাইল প্রাণ !

কোথাও নাহিক কেহ

অলঙ্কিতে মৃত্যু আসি নাশিল সকলে !

মৃত্যু ! মৃত্যু !—মৃত্যুও কি সেই মায়াবিনী ?

(ক্রোধে) যাক্ বিশ্ব মৃত্যুমুখে, কি ক্ষতি আমার ।

(দন্তে দন্তে ঘর্ষণপূর্বক) কিছু নাহি চাহি আর,

শুধু, শুধু, একবার,—একবার অসি মুখে !

—এ সময় কোথারে নিশুস্ত

কোথা তুই ! আছি মাত্র মোরা দুই ভাই,

—আয় হেথা, দুই বীরে বিনাশিব দুষ্টা কপালিনী

(উর্ধ্বে বহু কণ্ঠে) মার্, মার্, কাট্, কাট্,

(অস্ত্র ঝগ ঝগা শব্দ) সর্বনাশ ! সর্বনাশ !

( নিশুস্ত হত, নিশুস্ত হত ধ্বনি, শব্দ ঘণ্টা নিনাদ ও

নিশুস্তের ছিন্ন মুণ্ড ও গদা বন্ধে পতিত এবং

পুষ্প বৃষ্টি )

শুস্ত । (ক্রোধে, বিষ্ময়ে, দুঃখে ) হত ! হত ! নিশুস্ত হত !

সত্য ! সত্য !

ঐ—ঐ দেখি নিশুস্তের ছিন্ন মুণ্ড ;

ঐ ভেসে যায় । হায় ! হায় !—

ভুবন-বিজয়ী বীর হয়েছে বিনাশ,

সর্বনাশ ! সর্বনাশী—করিল সংহার !

( ধীরে ধীরে মহামায়ার মৎস্যরূপে গঙ্গাবক্ষে আবির্ভাব )

( মৎস্যরূপা দর্শনে বিশ্বয়ে ) .

ঐ ! ঐ ! ছিন্ন মুণ্ড গঙ্গা বক্ষে হ'ল নিমগন ;

একি ! একি দেখি ! .

নীল-নলিনীসমা—ফুল্ল বরাননা,

মৎস-পুচ্ছ-চরণ নেহারি—

তরঙ্গে তরঙ্গে ভাসে—উল্লাসে ভামিনী ।

সর্বনাশী ! নিশুন্তু ঘাতিনী ! ভয়ঙ্করী !

ধরিয়াছে—অর্দ্ধ-মৎস্য কার ;

আয়—এই গদাঘাতে আজি

নাশি তোর মৎস্যরূপী-দেহ ।

( গঙ্গাবক্ষে গদাঘাত মৎস্যরূপার অন্তর্ধান )

রাজা । ( হতাশভাবে ) লুকাইল বহুরূপা নারী !

কি বা যশ আছে তায় ?

সম্মুখ সমরে—তীক্ষ্ণ অসি করে,

জাগ্রত আকারে পঞ্চভূতাত্মিকা

কায়া ল'য়ে—আসি দেখা বীরপণা তোর ;

—তবে মানি সত্য বীরঙ্গণা ।

নতুবা 'অঙ্গনা' তোরে কেবা গণ্য করে ?

( গঙ্গার তীর দিয়া দেবী কুর্মরূপার প্রবেশ )

রাজা । ( হাস্য সহকারে ) ভাল ! ধরিয়াছ ভাল

কুর্মরূপ ! বিনাশের সহজ উপায় ;

হায় হায়, ভ্রাতৃ-শোকে প্রাণ জ্বলে যায়  
 শতধা বিদৌর্গ বক্ষ মোর,  
 —মায়া করে মোরে প্রবঞ্চনা !  
 মহা মায়্যাবিনী !  
 আয়, গদা-ঘাতে, আজি চূর্ণ করি  
 কুর্স্কায়, নিবাই প্রাণের জ্বালা ।

( বেগে গদাঘাত ; কুর্স্কায়ের অন্তর্ধান )

রাজা । মার মার, পলায় পলায়  
 ঐ নিশুস্ত-ঘাতিনী অনস্ত-রূপিণী,  
 অনস্ত ! মহান্ ! বিরাট্ !

[ বেগে প্রস্থান ।



# পঞ্চমাস্ক ।

দৃশ্য—হিমালয় পর্বত

দেববালাগণের সঙ্গীত ।

দেব বালাগণ ।

## গীত

নিখিল বিশ্ব প্রেমের রঙ্গে

তরঙ্গে তরঙ্গে ভাসিয়ে যায় ;

কে কোথাগ হানে

কে কোথায় কাঁদে

কে কোথায় ভাসে

ডুবে বা তায় ।

মনে মনে বাঁধা

নাহি রয় ধাঁধা,

বাঁধা আছে সদা অনন্ত কায় ।

জল, স্থল, অনল, অনিল,

যে মহা মিলনে প্রকাশ পায় ;

শঙ্কর শঙ্করী

বহু রূপ ধরি

বহু নামে, বহু রূপে, নিয়তি ছড়ায় ।

ক্ষুদ্র আধারে

বিরাট আকারে

মহা প্রেমানন্দ সতত গায়

নিত্য, সত্য,

অখণ্ড, অনন্ত

‘আনন্দ’ নিয়ত - বিরাজ যায় ।

জয়, জয়, জয়,

মঙ্গলময়

আনত প্রণত তাঁহার পায় ॥

( প্রণামকরতঃ )

( দেববালাগণের প্রস্থান )

( গদাশঙ্কে রাজা শুভ )

রাজা । নির্মূল দানবকুল !—এক আছি আমি

আর সব শয়ান শ্মশানে—।

হেরিলাম কত রূপ—বিকট মধুর,

‘দেহী,’— পুনঃ হয় নিরাকারা !

চমৎকার ! উপমার নাহিক তুলনা ॥

ফিরিতেছি অনুক্ষণ রূপের সংহারে,

নঃ পারি ধরিতে সেই মহামায়াবিনী ।

ক্রান্ত বুঝি কপালিনী করিয়া সংগ্রাম

কিন্মা মিটিয়াছে ক্ষুধা নিশুস্তে সংহারি,

সে কারণ নাহি আসে সংহার কারণ—

[ রাজার পশ্চাৎ দিয়া মহামায়ার ভ্রুতে গমন



রাজা । ( সচকিতে ) কে যায় ? কেবা এসেছিল ?

রমণী বলিয়া ভ্রম হতেছে আমার ।

( পুনরায় পশ্চাৎ দিরা গমন )

রাজা । একি ? ছায়া ! না নারী !

সকুচিত দ্রুত পদে করিল গমন

মোর ঠাই কিবা আছে কাজ ?

কর্ম মোর আর নাহি কিছু

হইয়াছে অবসান সব ;

মৃত্যুর আশায় শুধু আছি দাঁড়াইয়া ।

[ রাজার সম্মুখীন হইয়া ত্রস্তে পশ্চাৎ হাটিয়া গমন

রাজা । ( স্বগত ) কি আশ্চর্য্য ! কুলনারী সম !

মোর কাছে যেন কিছু অতি প্রয়োজন,

লজ্জাবশে কিন্তু নাহি হয় সম্মুখীন ।

কিবা চায় মোর ঠাই ? অবশ্য দানিব ।

যত্বপি অমুরকুল হয়েছে নির্মূল

তথাপিও আছি আমি ত্রিভুবন-পতি ।

( উচ্চৈঃস্বরে ) কে গো তুমি যাইতেছ ফিরে বার বার ?

নির্ভয়ে দাঁড়াও আসি সম্মুখে আমার ;

থাকে প্রয়োজন, করহ জ্ঞাপন মোরে

সাধন করিব কার্য্য কহি প্রাণপণে !

ত্রিভুবন রাজ্য মোর অতি দীন আমি ।

( কৌমারীবেশে মহামায়ার প্রবেশ )

মহামায়া । 'মহারাজ ! আসিয়াছি আমি ।

রাজা । ( বিস্ময়ে ) তুমি ! তুমি—!

আসিয়াছ—তুমি !

পুনঃ কেন আসিয়াছ তুমি ?

মহামায়া । রাজন্ ! দিবা নিশি শয়নে স্বপনে

যাচিতেছ মম দরশন

—সে কারণ আসিয়াছি আমি ।

রাজা । সত্য—তব মাগি দরশন,

কিন্তু মোর নাহি আর—কোন ভোগ আশা,

জিঘাংসা প্রকৃতি শুধু ;

যাচি তোমা সম্মুখ সংগ্রামে ।

মহামায়া । অবশ্য করিব রণ ;

কিন্তু মনে কর, দৈত্যপতি !

অতি অল্প আগে তুমি বদ্ধ প্রতিজ্ঞায়

পূরণ করিতে মোর সকল বাসনা ।

দরশনে কেন পুনঃ হও বিস্মরণ ?

রাজা । নহে মম কিছু বিস্মরণ,

জ্বলিছে প্রতিজ্ঞা হৃদে—জ্বলন্ত অন্ধরে

আত্মহারা তাহে সদা বিস্মৃতি সাগরে ;

প্রতি পলে,—মর্মে মর্মে তুমি বিরাজিত,

'এক' তুমি—সর্বব্যাপ্ত হয়েছ আমার ।

কহ তব কিবা প্রয়োজন ?

করিব পালন তাহা ।

মহামায়া । ‘স্বর্গ’-রাজ্য দেহ দেবতায়,  
সাধনার লীলাভূমি — ‘মর্ত্ত’ মানবের,  
‘রসাতল’, দৈত্য অধিকার,  
স্বজন আত্মীয় সহ করহ গমন ;  
পাতাল পুরের শূর তুমি অধিকারী ।

রাজা । ধন্য ! ধন্য তুমি নারী—!

ছলে বলে মুকৌশলে

স্বকার্য উদ্ধার

জীবনের সার ব্রত তব ।

হৃদক তোমার ইচ্ছা নিয়ত পূরণ ।

দিব ত্রিভুবন ছাড়ি তোমার ইচ্ছায় ;

কিন্তু তুমি এক ভিক্ষা দেহ আজি মোরে

সত্য তুমি বীরাজনা নারী শিরোমণি,

মহারথ শুরগণে করিয়াছ নাশ,

প্রাণের দোসর ভাই নিশুস্ত মুখীর

শাস্তি লভিয়াছে শূর প্রাণ বিসর্জনে ;

শুধু আমি এক—মাত্র, রয়েছি জীবিত

প্রাণের মমতা বিন্দু নাহিক আমার ॥

জলে প্রাণ ভ্রাতার নিধনে

প্রতিহিংসা ছালা তায় বাড়ে চতুর্গুণ

তাহে দক্ষ হই সর্বক্ষণ,  
 নির্বাণ করহ অগ্নি—আলিঙ্গন দানে ।  
 মহামায়া । সত্য তোরে দিব ঠাই স্নেহের বন্ধেতে ;  
 প্রিয় ভক্ত দাস তুমি—দ্বারী “জয়” শুভ ।  
 ভক্তের কারণ—মোর খেলা এ সংসারে ।  
 সুখ দুঃখ ভোগ তব হয়েছে নির্বাণ ;  
 জিঘাংসা প্রকৃতি—করি ভস্মে পরিণত,  
 ‘শুদ্ধ সত্ত্ব’ লব কোলে করি ॥

রাজা । এস,—তবে এস,—কাছে ? এস বক্ষে মোর  
 দাবাগ্নি শীতল কর অমিয় পরশে ॥

[ হস্ত প্রসারণ করিয়া মহামায়াকে ধরিতে  
 উচ্চত পশ্চাৎ হটিয়া মহামায়া ]

মহামায়া । মহারাজ !—ভুলেছ কি প্রতিজ্ঞা আমার ?  
 দেহ যুদ্ধ,—জয় কর মোরে  
 অবশ্য হইব তব অক্ষ স্নশোভিনী ॥

শুভ । ভোল নাই প্রতিজ্ঞা—রাক্ষসি !  
 বার বার মম চক্ষে ঢালি ‘মোহ’ ধারা  
 কোমল মধুর রূপে মন হর মুখে ॥  
 না—না, আর না সহিতে পারি  
 তোর ছলে নাহি ভুলি আর ।  
 সর্বনাশি—! রাক্ষসি—!  
 আয় চূর্ণ করি তোর স্নকোমল তনু !

( রাগে মহামায়ার বক্ষে গদাঘাত )

মহামায়া । ( ঈষৎ হাসিয়া ) মহারাজ ! খোল 'জ্ঞান' অঁাখি,  
দানব প্রকৃতি ল'য়ে—কেবা ভ্রম 'তুমি,'  
'দিব্য' চক্ষে নেহার সকল ॥

শুভ । রাখ তব উপদেশ ছটা

হয় নাই অন্ধ দুঃখন ;

কিন্মা হয়, জ্ঞান হারা আমি ॥

কিন্তু আমি সুধাই তোমায়

তুমি কিরে হও হাসি রাশি ?

কিন্মা তুমি হাহাকার শুধু কান্নাময়

জনম মরণ মাঝে আচ্ছন্ন সতত ?

সুখ দুঃখ দ্বন্দ্ব, কিন্মা হও শান্তিধারা ?

অথবা "নিয়তি" তুমি সর্ব-'গুণ'-ময়ী ?

স্কুল সূক্ষ্ম কারণের অনাদি কারণ ?

অজর অমর কিবা অনন্ত বিরাট ?

নিগুণ "অক্ষর" বুঝি হও নিরাকারা !

কহ দেবী কোন্—ধারা প্রকাশ আমায় ?

মহামায়া । দানবীয় শক্তি যত করিবে হরণ

'বিদ্যার' পরশে করি 'অবিদ্যা' বিনাশ ।

বৃথা চিন্তা নাহি কর আর

ধর অস্ত্র দেহ যুদ্ধ মোরে

আসিয়াছি সংগ্রাম কারণ ॥

শুভ স্বগতঃ । এইবার মিটাইব সমরের সাধ

মহাশূন্যে লয়ে যাব অনন্ত 'প্রকৃতি'

—এক বার যদি দেয় ধরা ॥

(প্রকাশে) মহামায়া ! দেহ মোরে অস্ত্র একখান

তব সত্ত্ব গদা যুদ্ধ নহেত উচিত ॥

মহামায়া । ধর তবে মহা অস্ত্র করে

( অসি অর্পণ করিতে হস্ত প্রসারিত )

শুভ । দেহ মোরে ॥

( তরবারি সহ মহামায়ার হস্ত ধারণ করিয়া )

বহু যুগ করিয়া কামনা

ধরিয়াছি তোরে লো ললনা—

জীবন মরণ সাথে—করিব বন্ধন

আর তোরে না ছাড়িব কতু ॥

এস যাই মহাশূন্যে লইয়া তোমায় ॥

[ শক্তিকে লইয়া গুণ্ডের উর্দ্ধপথে প্রস্থান ]

জ্ঞানরূপী বশিষ্ঠ ও ভক্তিরূপী নারদের প্রবেশ ।

বশিষ্ঠ । ত্রিজগতে অব্যাহত গতি তব,

ওহে ভক্ত-চূড়ামণি মহামুনি,

কহ কোথা মহাদেবী শুভ সহ রণে ?

প্রকাশিত “হ্লাদিনী” হৃদয়ে তোমার,

সর্বশক্তি মূলাধারে সতত বিরাজ,

নিয়ত কামনা মোর, শ্রবণ বিবরে

শুনিবারে শক্তিলীলা—অনন্ত প্রকৃতি ॥

নারদ । জ্ঞান চক্ষু সতত বিকাশ তব ;

বিশ্ব প্রকাশিত যাঁর নয়নে নিয়ত  
ক্ষুদ্র আমি কি প্রকাশ করিব তাঁহায়,  
মধুর প্রশ্নেতে তব আনন্দ অপার ;  
শক্তিলীলা যাহা কিছু করি প্রকাশিত  
তোমার প্রসাদে বলি,—শুন ঋষিবর ॥

ঐ দেখ মহাশূন্যে অদ্ভুত সমর,  
অস্মৃষ্ঠ প্রমাণ দুই আকার সুন্দর  
বিছা অবিছার খেলা গগন বিস্তারি ॥  
জলে, স্থলে, মহাশূন্যে অনলে অনিলে,  
সমকালে দ্বন্দ্ব দুই ঘেরি সর্বস্থান  
হ্রাস, বৃদ্ধি ক্রম ভাবে সংসার নিয়ম ;  
হ'লে ব্যতিক্রম

সমতা স্থাপন হেতু রঙ্গ যুগে যুগে ॥  
মহাশক্তি দৈত্য-শক্তি করি তেজোহীন  
ঐ দেখ ফেলিছেন ধরণী উপরে ;

তারা সম খসে শূর

শুস্ত বীরবর—

ধেয়ে আসে মৃত্যুর সংগ্রামে ।

উচিত না হয় হেথা রহিতে এক্ষণে

চল দৌহে অন্তরালে করি অবস্থান ॥

[ উদ্ধার ন্যায় আলোক প্রতিভাত ; উভয়ের প্রশ্নান ।

( উন্মুক্ত তরবারি হস্তে শুস্তের প্রবেশ । )

শুস্ত ।

'বহু রূপা 'অনন্ত প্রকৃতি'—

যদি নাহি পাই অন্ত কভু তার

—কি কৃতি আমার !

দোর্দণ্ড-প্রতাপশালী—বীর শুস্ত আমি,

ত্রিভুবনে নাহি ভয় কাহারও সম্মুখে ।

( উচ্চৈঃস্বরে )

কোথা লুকাইলি, আয় কাছে

আয় রণাঙ্গনা ॥

গজ, সিংহ, য়েবা রূপ হয় মনোমত,

মহা ঘোর অন্ধকার—কিংবা দ্বিপ্রহর,

ভুলোক দ্যালোক করি—উদ্ভাসিত তেজে

সন্ধ্যা কিম্বা উষাকালে করিয়া সৃজন,

শীত, গ্রীষ্ম, বর্ষা কিম্বা শরৎ প্রচারি,

অথবা বসন্তকালে বাসন্তী রূপিনী

দশভুজ, অষ্টভুজ, কিংবা চতুর্ভুজে,

শঙ্খ চক্র গদা পদ্ব, ধরি প্রহরণ

আসি দেহ মোরে রণ,

প্রাণ পণ প্রতিজ্ঞা আমার ॥

( মহামায়া ত্রীশ্রীজগদ্ধাত্রীরূপে, দুই পার্শ্বে নারদ ও বশিষ্ঠ

সহ প্রকাশিত ) ।

শুস্ত ।

সুন্দর,—অতি সুন্দর,—অতি চমৎকার,



ভুলোক দু্যলোক, আহা !—তেজে তেজোময় ।  
 নাহি আর অঙ্ককার লেশ  
 কাঁটিয়াছে মোহের বিকার ॥  
 কিন্তু নিশ্চয়,  
 নিশ্চয় করিব রক্ষা প্রতিজ্ঞা আমার ॥

( মহামায়ার প্রতি )

মহামায়া ! আজি তোর পুরাব বাসনা,  
 রুধির পিপাসা আজি মিটাব তোমার ;  
 কর অস্ত্র সম্বরণ, কত বল ধর আজি  
 দেখা চতুর্ভুজে ॥

( মহা বেগে মহামায়াকে অজ্ঞাঘাত )

শুভ্র । বিফল অস্ত্রের খেলা ! সকলি বিফল !

অনিত্য,—অনিত্য সকল ;  
 আহা—আহা—কিবা রূপ, অনন্ত প্রকৃতি ;  
 শঙ্খ চক্র গদা পদ্ম শোভে চতুর্ভুজে,  
 নাহি হিংসা শোকতাপ প্রকুল্ল আনন,  
 অধরে মধুর হাসি ! 'লীলা' খেলা ছল,  
 নয়ন আনন্দময় 'আত্ম'-দরশনে ।  
 সৃষ্টি স্থিতি প্রলয়রূপিনী  
 চিণ্ময়ী মৃণ্ময়ী রূপা—সর্ববীজ-ভূত ।  
 সুরাসুর যক্ষ্মে রক্ষ্মে আনন্দে পূজিতা ;  
 বিরাজিতা সর্বভূত মাঝে ।

. সর্বশক্তি মহাশক্তি অনন্ত আকারে ।

অহো ! কি করি, কি করি !

দৈতাকুল সমূলে নিশ্চূল, কেমনে বিনাশি অরি !

( উচ্চৈঃস্বরে )

কে কোথা আছ সৈন্যগণ,

এস শীঘ্র ধর প্রহরণ, মহাবেগে মার মহামায়া ।

( সৈন্যগণের প্রবেশ ও শ্রীজগদ্ধাত্রীকে প্রদক্ষিণ ও অস্ত্রাঘাত । )

শুভ । মার্ মার্, কাট্ কাট্, কাট্ মহামায়া ।

( ভরবারি ষারা মহামায়াকে আঘাত ; শুভ ও দৈত্যগণের পতন ও মৃত্যু । শঙ্খ ঘণ্টা বাজ ও পুষ্প বৃষ্টি । )

মহামুনি মার্কণ্ডেয়, নারদ, ইন্দ্র, চন্দ্র, বরুণ, কুবের, দিকপালগণ,

ব্রহ্মা, বিষ্ণু, মহেশ্বর, দেবতাগণ, ব্রাহ্মণগণ, মুনিপত্নী ও

ব্রাহ্মণীগণ, ঔপসরা ও কিন্নরীগণের

প্রবেশ ও স্তব

স্তব ।

যা দেবী সৰ্বভূতেষু মাতৃরূপেণ সংস্থিতা

নমস্তস্মৈ নমস্তস্মৈ নমস্তস্মৈ নমো নমঃ ।

যা দেবী সৰ্বভূতেষু শক্তিরূপেণ সংস্থিতা,

নমস্তস্মৈ নমস্তস্মৈ নমস্তস্মৈ নমো নমঃ ।

যা দেবী সৰ্বভূতেষু সৃষ্টিকরূপেণ সংস্থিতা

নমস্তস্মৈ নমস্তস্মৈ নমস্তস্মৈ নমো নমঃ ।

যা দেবী সৰ্বভূতেষু স্থিতিকরূপেণ সংস্থিতা

নমস্তস্মৈ নমস্তস্মৈ নমস্তস্মৈ নমো নমঃ ।

যা দেবী সর্বভূতেষু লয় রূপেন সংস্থিতা ।  
 নমস্তস্যৈ নমস্তস্যৈ নমস্তস্যৈ নমো নমঃ  
 যা দেবী সর্বভূতেষু বুদ্ধিরূপেণ সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু ভক্তিরূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু জ্ঞান রূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু মুক্তিরূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু স্মৃতিরূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু মেধা রূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু বিদ্যা রূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্ব ভূতেষু ধতিরূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু ক্ষমারূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।  
 যা দেবী সর্বভূতেষু জয়্যারূপেন সংস্থিতা  
 নমস্তস্মৈ নমস্তস্মৈ সমস্তস্মৈ নমো নমঃ ।  
 যা দেবী সর্বভূতেষু লক্ষ্মীরূপেন সংস্থিতা  
 নমস্তস্মৈ নমস্তস্মৈ নমস্তস্মৈ নমো নমঃ ।

ষা দেবী সৰ্বভূতেষু লঙ্কারূপেন সংস্থিতা

নমস্তসৌ নমস্তসৌ নমস্তসৌ নমো নমঃ ।

ষা দেবী সৰ্বভূতেষু দয়ারূপেন সংস্থিতা

নমস্তসৌ নমস্তসৌ নমস্তসৌ নমো নমঃ ।

ষা দেবী সৰ্বভূতেষু শাস্তিরূপেন সংস্থিতা

নমস্তসৌ নমস্তসৌ নমস্তসৌ নমো নমঃ ।

নমো দেবী মহামায়ে নমো মহাযোগেশ্বরী,

অনন্ত প্রকৃতিরূপা পূজিতাচ চরাচরৈঃ

জীবসা জীবনীশক্তি আনন্দ রূপ-ধারিণী

সাবিত্রী গায়ত্রী মাতা সতী লক্ষ্মী হরিপ্রিয়া ।

নমো আত্মশক্তি দেবি, শুদ্ধা-ভক্তি-প্রদায়িনী,

সুখদা বরদা মাতঃ প্রপন্নানাং প্রসীদত ।

নারদ । মাগো ব্রহ্মাণ্ড-প্রসবিনী জগজ্জননী নারায়ণী, তোমার  
অনন্ত লীলা ! ধর্ম-স্থাপনা হেতু তুমি বহুরূপে  
আবিভূত। আমরা তোমার মহিমা কি বুদ্ধিতে  
পারি ! মা অভয়ে ! নিজগুণে তোমার অভয় চরণে  
জবা গ্রহণ কর ।

( জবা প্রদান )

অপ্সরী কিন্নরীগণের নৃত্যগীত

গীত

রাজা জ্বায় সাজলো ভাল

মায়ের রাজা চরণ'ছুটি

যে চরণে ত্রিভুবন, স্বয়ং বিশ্বনাথ

পড়েন লুটি ।

অমৃত বরষে সলিল ধারা

ভাতিল, হাসিল, মলিন ধরা

ছুটিল মলয়া—পাগল পারা

আনন্দে জগত উঠিল ফুটি ।

হয়ে দীন ছীন, মুদি ছনয়ন

হের ত্রিনয়না অনন্ত কারণ

জন্ম মৃত্যুঞ্জয়ী ও রাজা চরণ .

আদরে হৃদয়ে ধরেগো ছুটি ॥

মার্কণ্ডেয় । সর্ব মঙ্গল মাজল্যে শিবে সর্বার্থ সাধিকে,  
শরণ্যে ত্রম্বকে গৌরি, নারায়ণি নমস্ততে ।

যবনিকা পতন ।













